



四川通志

第三冊

卷之

八

敘瀘
建昌

四川通志卷二十八

邊防

永寧道

敘瀘



瀘戎即棘羿苗猓等種是也宋時消井監在夷地

吏或非人往往致寇真宗祥符中晏州夷斗望

步引縣秦職追之遇害轉運使寇咸司王

神宗熙寧七年六姓夷入命經

制熊本討敗之柯陰乞降本盡籍其丁田歸之官

以其會箇恕知歸徠州其子乞弟爲番部巡檢八
三十四州川原木斗叛復詔本安撫本進銅佛

木上舉濠州地五百里來歸建爲平軍

詔本知制誥元豐元年羅苟夷叛詔韓存寶討之
存寶召乞弟犄角討蕩七十圍卽乞弟恃功悖慢
遂圍熟夷羅箇牟族王宣救之一軍皆沒詔存寶
統兵討之存寶不敢進坐逗撓誅以林廣代
將詔熟夷楊光震併力討賊破其巢穴築城於樂
共江門砦梅嶺巖席帽溪西達清井東到峽皆

控制要害乞弟旣失十窮甚無依而死於入羅始

黨斗然等諸會請依十九姓團結爲義軍從之自

是歲也不復爲邊患徽宗政和五年知梅嶺砦高

公老之妻帝宗女也常出金玉器飲晏州夷酋卜

漏等心豔之會瀘帥賈宗諒以斂竹木擾夷部夷

人或怨漏遂相結因一元張燈襲破梅嶺砦擄公

身物四出剽掠轉運使趙適聞之音道

走如少見詔發陝西軍三萬人以適領一埔山

猱束麻灌蠟熱之猱奔燒賊舍大軍繼進斬卜漏

賊平拓地二千里適為建城砦畫疆畝募人耕種
一曰戰：虎曰勝兵高公老妻不辱死詔節義

商德圖閣直學士經畧安撫使召堯拜兵

部尚書元至元十九年發都掌阿永等民為兵征

答馬刺都掌等上言宋時未嘗僉軍乞出馬牛助

軍需從之三十年十月西川奉詔征疊茂以川番

夷六女陝西平章也速答兒奉命討順元叛蠻自

慶符入十降八九回軍就糧至永寧阿永蠻酋雄

挫及芒部反也速答兒討之雄挫遣阿大降雄

挫赴京賞衣服弓矢鞍轡放回大德五年劉

深征八百媳婦令順元遞運人馬土官宋隆濟蛇

等皆以朝廷命四省與田楊二氏軍馬收捕各

府土官以遠征供輸煩勞皆叛梁王出駐梁州

烏撒烏蒙東川馬湖四族聚眾四千復起羅羅斯

軍渡金沙江刻日取建昌朝命也速解兒充平章

以雲南軍及梁王見兵一萬次第討平

之也二十七年戎縣夷出沒不常奏敘南

衛左千戶所於本縣守禦永樂閒遣總兵官梁福

征討夷竄深箐不能追乃招安之十三年遣都督

李其渠魁而撫其餘黨宣德二

年夷復

慶江等縣監察御史湯燦詣戎縣招撫大壩等砦

捕獲夷首械送京師九年夷賊又叛調都指揮李

榮督戎縣官兵擒斬三十九名正統四年又燒劫

名縣老王杲集戎縣漢夷鄉老招出五邨夷

諭以禍福令回各砦擒賊三十四名其餘埋石爲

誓景泰元年正月高珙筠戎夷人並起聲言漢人

每年公差下砦徵糧害我我當出報遂縛公差於

樹殺之各攻本縣屠長寧劫慶符江安納谿燒廬

古諸縣爲之一赤有司飛奏遣僉都御史

李匡監察御史劉澣經制其事適時盛暑地多疫

癘士卒死者甚衆匡澣俱嬰疾澣卒匡尋愈遣都

指揮周貴等破箐前青砦等砦俘斬數百賊舍米

以深箐大軍圍之削木皮以食戰死幾

順元年芒部諸夷妖言惑衆天師

圍筠連凡九日敘南衛指揮丁信李英等力戰殲

之五年以戎縣夷人連年流劫遣總兵官許貴討
之成化元年戎縣都掌夷頻歲入寇遣成都御
史汪浩都督芮成征之侍讀周洪謨上疏言於都
掌昭九姓司設長官使若主自擇素所信服者命
爲土官部議以其事付汪浩芮成時浩在成都捕
反賊趙鐸成在敘州知戎縣漢民不欲夷人割置
土官二和共鈐轄乃不用本縣勘報惟召其鄰縣
夷酋導叅議王禮等詣都掌諸若論以設官之意
諸夷大悅其酋長率二百人詣敘州見成曰具馬

二十七匹爲赴闕謝恩計成犒之而賞以二令還
戎縣以俟尋遣人報浩會奏謂都掌等前大壩三
處處官設三長官司疏入方議鑄印九月汪浩至自
成都戎縣漢民不欲置土官者以甘言啖浩謂成
所招諸酋雖授以官終不能禁其劫掠此皆梟雄
一可富百乘機除之則餘孽皆庸劣不足慮也浩
不知其司司意意沃意殺之至戎縣諸酋迎謁浩諭之
曰降蠻六少與官太多可回若招三千蠻戶來卽
與奏異日諸酋入卽閉營門壯士皆露刃環列浩

厲聲責之諸蠻自納款之後久釋金革至是惟叩
 首請罪者者皆前殺二百七十餘人浩使人報
 成成曰定戎所招者已與公會奏矣奈何殺之猶
 豫數日乃又與浩合奏夷始雖歸降終則異志且
 欲伏兵敵殺官軍不得已調大軍剿之斬首若干
 破砦若干既而諸砦餘黨聚議報讎十月乃赴貴
 州總兵官處詐降都指揮丁實等出迎之夷伏兵
 四起官軍五千餘衆皆沒十一月初欲寇四川浩
 等聞之夜奔長寧分軍實各縣徑還成都以官軍

夜行迷道人馬墮溪谷死者不可勝紀賊追浩
 等聲言欲齶其肉不及乃攻長寧三日適聞戎縣
 人劫其寨穴乃解圍去時夷恨既深鋒不可當貴
 州兵屯金鷄池四川兵屯戎縣兩軍堅壁不出而
 夷人由其間循江之南直抵江納合江如履無人
 之境諸縣官民皆遷江北露次浩往來江上不敢
 南泊江女賈家砦爲賊所屠殺五百五十餘口縣
 官走白江怒曰吾方報捷豈又有賊耶拒之幾
 死乃遣人鉗各縣欲訴夷情者一夕夷驅合江等

縣婦女一百七十人水牛三百次長寧石笋山下都指揮孫用等率軍逐之賊皆遁盡獲所擄人畜時三司以戎浩既奏賊宜剿不宜撫故勞節以供兩軍二年既不能剿又不敢撫會長寧縣具陳夷人向攻城時有必欲復讎之言以聞朝命如可撫則撫之於是遣人招撫夷人遂聽命使夷首十二人赴京貢馬十二銅鼓一具告乞仍設土官但畏浩等勢不敢言枉殺父兄事浩等欲實前奏終不與設官夷人益恨復抄掠上聞乃遣總兵官襄城

伯李瑾兵部尙書程信等率兵來討三年十二月大軍至芮成由戎縣進都御史陳宜叅將吳經由世部進指揮韓忠由普水腦進貴州總兵吳榮爲左哨由李子關進汪浩督叅將宰用爲右哨由渡船舖進大軍剿賊燒二百餘砦敘南指揮同知李鑛破凌霄城功爲最諸賊既平程信等奏故大壩爲太平區長官司舉永寧土人黃鎮爲長官於渡船舖置渡州衛尋舉殺賊有功僉事嚴正爲副使韓忠爲都督僉事充叅將守川貴地方六年之間

賴以寧謐七年大壩夷首阿告殺把事阿尙黃鏐
並請衛言阿告擅殺在官把事請加兵誅之告言
尙本逃民寵於其長毒衆已甚我爲衆除害何爲
請兵誅我欲脇諸砦以反忠正以告詞直乃遣人
諭告依夷例酬償骨價則免兵誅告從之遂以銀
八鎰酬尙妻子夷黨乃安正德九年葛魁夷人普
注惡與夷女米浪通生子假稱浪爲王母子爲彌
勒佛惡爲天官潛刻符印造旗劔集棘羿苗裸等
夷燒香各給印符一張使佩之謂兵不能傷又謂

劔出人頭自落旗動軍馬自潰作諸幻妄謀爲不
軌夷人愚惑傾心事之十年十二月夷部與筠連
縣流民蘇衝等爭田有隙屢訴不直惡乘衆忿誘
之復讎屠數百人於是諸夷寨俱叛衆幾萬人攻
城堡劫財殺人焚廬舍僭上號事聞命巡撫都憲
馬昊總兵吳坤調集漢土官兵萬餘人征之七月
昊令土巡檢安宇招撫白水江四十八寨來降十
月令都司張麟杜琮西從筠路進昊自督都司曹
昱知縣步梁等東從珙路進又命通判趙文振監

烏蒙東川軍南從本路進刻期夾攻取黨宋老虎
母豬岩底及田保白牛落木祥落木柔等寨乘勢
星馳至敘復破落崖川山洞貓兒崖洞鷄爪山下
火龍響黃溝等寨又斫攻峯崖寨普法惡敗走涪
州鄉勇皮邦興斬其首自胸至足有毛長寸餘餘
黨堆阿告爲主拒守十二年正月取磨底等寨五
月趙六振破大井壩擒首惡羿子阿設者過賊黨
悉平各軍通計俘斬三千餘其墜崖溺水者不可
勝數二月師回五月阿告等來降鄉兵邀以殺之

會量田官復增額糧奪降者之田以授他八衆心
憤恨流民謝文義乘機煽惑二千餘人九月圍筠
連縣守禦官望風奔潰署印訓導李韶竭力戰守
賊乃還焚劫千餘家殺擄五百餘人御史盧雍令
知府陸芸遣人招撫賊黨來降十一月賊復攻筠
連兵滿田荆統兵適至討平之嘉靖中戎夷負嶮
驕肆綁擄千百戶殺死巡檢槍辱知縣妻孥自是
劫掠不止六縣而敘州瀘州江安納谿俱罹荼毒
蠻酋阿大阿二方三等俱僭王號據九絲城勢甚

猖獗萬曆元年巡撫四川都御史曾省吾聲罪請討詔許之於是調漢土官兵共一十四萬有奇悉隸總兵劉顯以副使李江監軍江建議先攻凌霄城次都都寨剪其兩翼然後進攻九絲顯從之五月拔凌霄六月拔都都寨八月進逼九絲九絲峻嶮諸蠻死拒不下官兵亦以仰攻爲難止在城下圍守冀賊出奔坐收擒斬之功李江密報省吾請下令漢土官兵先登九絲者爲上功諸軍聞令思奮冀得重賞會天雨露浹旬把總吳鯨士台楊王

宗購死士夜半銜枚腰紉而上未明斬闕徑薄蠻所蠻驚懼不知所出自相踐踏又五路官兵並進銜殺死者無算九絲遂平先後下蠻寨六十有奇燔營舍六千所斬首俘獲四千六百有奇擒酋長三十六名招安三千三百口拓地四百里獲銅鼓九十三面題改戎縣爲興文縣卽內官寨列雉爲城名曰建武廳設總兵兵備僉事坐鎮之隸以安邊同知一守備司一坐營司一守禦千戶所一儒學一其他阨寨悉設堡戍守官兵則自瀘州衛中

前二所徙置焉自諸夷爲患於長筠高琪慶江等縣亦云烈矣至是興文改縣建武設學冠裳文物漸遠頑俗而夷患亦稍息明季兵燹頻仍焚爨苗猓之屬亦罹屠戮所存無幾但難馴之性易於走險

皇清順治十八年因川南地方初闢文武將吏尙未全設橫江四屯夷人陳奎鄭士道爲朱奉鉛王應泰煽惑作亂夜至敘州攻城推官霍焜署知縣董顯與戰衆寡不敵城破被執奪去印綬同時賊黨分

犯屏山慶符等縣知縣王敬公沈彰力屈被執永寧鎮總兵高宗署兵備道董明命聞警遣遊擊王魁領兵倍道赴援明命措備糧糗隨營撲剿破南廣復敘城會署道紀耀揚旆自瀘而上賊衆宵遁馬湖我兵尾後土官王嗣續亦出土兵相應內外夾攻多所斬獲奪回所執官印而朱奉鉛王應泰及叅謀張最元先後以擒追陳奎鄭士道等於石灰窰斬之其其餘類而敘馬人民始得安枕康熙十三年吳逆變敘瀘一帶土夷復乘閒騷擾勇畧

將軍趙良棟遊擊李芳述等討平之雍正六年六月米貼逆兵陸氏聚眾肆行殺害滇兵川陝總督岳鍾琪四川巡撫憲德提督黃廷桂請兵進剿遵奉

上諭指授方畧本年七月十三日提督黃廷桂兵抵馬湖進圍吞都山擒土司德昌兄弟二人攻破夷寨斬賊首屋雞母雞二十餘人擒獲頗多於是分兵四路直搗賊窟提督黃廷桂由黃螂雷波中路進發令副將張玉駐劄黃螂以資彈壓王剛駐劄竹

核互爲聲援遊擊康世顯渡江斷賊歸路土安民吳維翰高麟端何懋甫等由太平馬湖兩路截剿斬賊二百餘級擒獲甚衆賊因遁磨石簸箕壘內恃險負固提督黃廷桂親至其處周閱形勢見兩山緊抱一峯半山有數十崗崗外賊蠻羣持標鎗毒矢汗積巨石坐守木柵之下當卽分遣官兵四面攻擊自已至西連克九崗遂拔營前進直抵黑龍崖黃草坪奮勇深入大破賊巢九月十六日生擒賊黨楊明義連奪一百餘寨惡目達姐等皆授

首卑租阿路亦次第擒獲土司沙罵投誠招撫苗民共計一千五百九十六戶畱兵暫駐以資防範夷地悉平先是越巂衛阿羊賊蠻加巴貫子劫掠商旅每月朔望必須派撥官兵五十名護送往來名曰放哨自提督黃廷桂削平結覺之後道路蕩平往來絡繹無阻並安設敘馬建武馬邊大壩峩邊安阜普安各營屬永寧協管轄以控制其險要云

附前明巡撫曾省吾議處都蠻疏畧

議照都蠻東連永寧南接芒部西通烏蒙北達馬湖而戎長高琪慶筠六縣近相連絡卽古戎棘漢西南夷也唐宋置州內附不過羈縻至本朝悉改爲縣流官鈐治屬之戎縣辦納稅糧已爲編民故土夷環列一有不靖尤勤問罪矧茲編民在中獨可任其跳梁是以洪武永樂宣德正統以來屢用燒劫爲害或撫或剿不一然未大創惟景泰元年夷賊並起以破長寧慶符江安納谿諸縣爲之一赤僉都御史李匡監察御史劉澣入山征剿比以

癘疫大興賊逃山箐旋復班師天順元年五年兩次攻圍各縣先後遣總兵都督等官問罪延至成化元年賊勢益張遣兵部尚書陳信襄城伯李瑾御史郎中主事等官率領大兵十八萬駐歷四年士卒損傷雖眾然亦頗貽數十年之安嘉靖時生齒日繁逋逃助惡每每騷動縣官隨剿隨叛愈撫愈張鄉擄千百戶殺死巡檢搶掠縣令衙署久益無忌至今搶掠又復不止六縣而敘瀘江納均罹荼毒兼之士司平時則交通罔利調征則黨助縱

逃包藏禍心漸成尾大失今不治不惟長效尤之惡而地方三面瀕夷時有兵革一隅玩愒他患可虞此羣蠻之罪在今日法所必誅而以剿為撫事後設官此議處之大畧也

經畧平蠻善後疏

照得山都巢穴今已蕩平所有善後事宜條為十事庶懲前慮後禦防可以無虞酌古準今經制因之漸備往昔負固之區今當屹然成一巨鎮不惟鄰夷近土便於控扼而雲貴接壤亦得相犄角以

永治安矣 一復兵道查得下川南地方原設守
巡兵三道隆慶二年內裁減分巡併歸守道今照
守道駐敘州巡道駐瀘州皆係內地相去蠻方動
踰五日之程且錢糧獄訟煩多勢難遠周荒徼而
九絲初平經綸草昧之始招攜懷遠均田治兵其
勢必得憲臣專力彈壓方克內修戎備外震諸夷
且總鎮兵權雖重而府州縣一應軍需臨時非有
該道會同明文必難調發故今日爲地方久安之
策莫先遵守成法查復兵備與總鎮會同行事使

文武相資上下相繫庶事有統紀邊方之憲度一
新而職有專司善後之安攘有賴矣 一設府佐
照得都蠻旣平夷方盡爲中土但去府城數百里
據土司四面之中勢頗孤懸又山川險阻夷漢錯
雜必得文官分理於下方保無虞但遠議郡縣則
荒惡之區所居未能成聚附之鄰近縣分則聲勢
隔絕未免仍復生奸僉議謂設同知兼理兵民始
爲得策乃查敘州府先年原有通判一員駐劄嘉
明鎮督糧後行裁革今見奉明詔查復成法合無

於該府添設安邊同知一員照依各省海防事例
欽頒關防專駐新築城內管理兵餉收放稅糧清
理詞訟安撫民夷上承兵道委用下定武職賢否
庶邊鎮政刑俱有統紀而錢糧出納亦有責成矣

一建城垣照得安內攘外固以設險爲要圖而
况啓土建邦尤以築城爲首務今照山都地方周
圍數百餘里扼險設要尤必得道里適中形勢之
區方足以壯居重馭輕之勢據司道等官奉臣明
文看得各寨舊名多惡宜更換以新耳目權將九

絲城爲平蠻城凌霄城爲拱極城印靶山爲文印
山弔猴山爲降蠻山雞冠嶺爲金雞嶺內官寨爲
武寧山都都寨爲都定寨隨踏得武寧一處地土
寬厚風氣湊集坐西面東前對文印山後坐金雞
嶺左扼平蠻右倚都定應於本處建城以爲雄鎮
就前面大河爲濠城制周圍計九百丈開東南西
北門內設總兵兵備道衙門同知府館守禦千戶
所坐營公署倉場庫獄城隍廟旗纛神廟各一所
修葺營房一千二百間另立演武廳於馬草坡其

合用木石磚瓦等料及造作工價聽守巡道委官
估計呈詳修理 一移守禦照得城垣既建應有
守禦官軍世守本土而外用招兵協守則主客相
濟斯保無虞今照敘南衛三所軍數僅一千有零
又經題撥馬湖府一所難以別議查得附近瀘州
衛先與瀘州同郭止設左右中三所成化年間因
大壩蠻叛將該衛改調太平九姓二長官司適中
之地奏將重慶衛前所全伍官軍割附瀘州衛奏
併四所每所額設旗軍一千一百二十名今蠻既

蕩平卽當全衛改入九絲但該衛去新建武所城
不滿百里分兵兩地同禦一方聲勢足以相援控
扼尤爲便益合無將該衛中前二所官軍割併守
禦千戶一所及將敘南衛原守隘官軍有屯田附
近九絲者行兵備道查明附改新所差操充實營
伍請乞改定所名另頒印信直隸都司仍於敘南
瀘州二衛指揮內軍政考選一員掌管所印 一
理疆土照得平蠻武寧地方廣袤疆界當清而田
土膏腴經制宜定東南與永寧九姓太平二長官

司東北與戎長高琪筠連諸縣西北與鎮雄府威
靜二司相連四面界限已經守巡道同總鎮委官
清查明白樹立石碑以杜侵爭其見在田地一面
委官清丈分別上中下三等造冊收查一面行集
附近軍民有情願受廛為民者各委官就籍名在
冊分定某處住居量其人力眾寡撥給田畝即為
世業仍分別某人上中下田糧各若干新造黃冊
註定某甲每年止徵本等額糧本折各半一應驛
傳鹽鈔丁差雜派俱行豁免其高山深谷不便耕

種者分撥附近居民樵牧俱免起徵內有茶利者
仍丈量畝數官佃民軍採摘每畝徵銀一錢收貯
所庫專聽兵道總鎮賞犒軍兵花布之費前項田
地稅糧俱待一年之後徵輸聽安邊同知催徵收
放置立循環文簿送兵備道稽查又照所城新復
遐荒百無一備戍守官員相應酌其職之崇卑將
附近田地量行撥給以敷薪菜馬料之資其總兵
衙門田地各一百五十畝同知衙門田地各八十
畝新設千戶所掌印指揮一員田三十畝千戶每

員田二十畝百戶每員田十畝不拘田地永不
 科其總兵衙門廩給每日五錢於瀘州商稅銀內
 動支待新定地方賦有定額即於本處徵解田地
 候裁革之時止給一半與遊擊衙門耕種餘一半
 入官另行招人領種辦納糧差 一扼要害照得
 平蠻地方漢夷雜居犬牙交錯險道連雲深林集
 霧易於狐兔踉伏之所即今巢穴雖空未免逃匿
 兼之士夷往來彼此構釁必須多方設備以戒不
 虞除調到土兵已經撤散應留軍兵酌量備用外

所據有名險寨及緊要隘關俱應設立堡墩互相
 守望今議得沱口魚井坑蠻寨文印山得杭都定
 寨得勝營黑帽尖山毛壩拱極城頂冠山各設堡
 一所每處用兵五百名又於平蠻城山頂設墩四
 所脚板崖竹柏嶺金雞嶺阿兒寨平寨高寨降蠻
 山得九麥易營黃連洞和尚寺洞礦溪落照谷爆
 筆架山口蠻埡飯甑陳四落甕各設墩一所每處
 用兵五十名深溝子銅罐芭蕉歇馬青岡每處用
 兵一百名以上官兵即於總兵劉顯並原任總兵

郭成叅將張澤標兵及上年設隘原兵並今年所募新兵內挑選共足一萬七千六百名分劄前項堡墩備行總兵劉顯督同大小將領統攝防守一應機宜悉聽總鎮調度候萬曆二年三月中將前兵汰減七千六百名年終汰減五千名止存五千名候調撥軍兵赴所分撥墩堡防禦及待二年後田糧起徵編取民兵再行遞減並各墩堡應留應革亦俟以漸議裁庶軍食既足而錢糧以次可省矣 一 起民兵照得蠻方險遠應有戍兵防守見

今分布各堡隘者俱係催募官兵漸當裁減今照本處沃田數多應以本地之利供本處之兵庶可以省公帑之費免轉輸之勞所據見在標兵即使授田屯守似亦寓兵於農之意但各兵係四方選集無冊籍可稽而遽使坐受糧餉之人轉驅南畝風氣不調勞苦不耐勢必逃移他日田地荒蕪無後慮若作軍田照屯例起科則子粒太重人不樂從募民實塞與額兵屯田事體自難一律衆論叅詳俱屬不便今議招集附近土著軍民領種田

地三年之後照畝起科誠爲便利然止徵稅糧不起鄉兵則所取甚微養兵太少亦非長計合議以糧起兵就令於附近隘所防守自衛身家卽保甲相連守望相助之意非所以爲厲也合無待戶籍既定居民湊集之日每糧一石起丁壯一名卽令於相近隘堡處所聽委官調度操練防禦安邊同知親加督理嚴禁堡官私役科永等弊兵道亦不時稽查以寬恤新民充實邊土 一通道路照得蠻夷未平則阻隘塞關以遏截爲上蠻夷旣平則

伐木通道以開治爲先平蠻地方在萬山之中往來曲徑俱由箐林絕壁豺虎縱橫往時蠻衆每由閒道出劫而漢民不敢經行必由羅星落亥迂路濡遲今旣蕩平巢穴則山溪便道隨處可通西則由歇馬漢村達黑帽尖山以入得勝營東則由長寧達蠻埡口以至毛壩營北則由得空口達魚井以至文印山及諸小道可以往來俱行總兵劉顯委撥官兵剪伐林木開治平坦其外則南廣水路一道直達新城中間有趲木二灘亦當開濬徑通

舟楫以達該所仍備造大河船十隻伺兵備道總鎮衙門巡歷之用陸路至敘州府經由慶符高縣至珙縣計程速則三日緩則四五日若自南廣閒道從戶口漢陽薄刀嶺羅洗塲龍灣鎮日半可以徑透珙縣但以中途無止宿之處夫馬無接遞之便途阻不行今應於羅洗塲適中地方設一公館就將興長高珙慶筠宜賓七縣原僉夫馬內每縣抽取馬十匹夫十五名共一百零五名委官一員管束在彼答應公差只換夫馬不支廩糧再於薄

刀嶺漢陽壩一處令慶符縣添設舖分二所自珙縣起至新所沿途十里設舖與薄刀漢陽二舖俱徭編司兵二名遞送公文應給工食照各縣所轄地方編派屬新所地界者暫行珙縣動支官銀催募候二年之後於該所應徵稅糧內動銀僱役以上造船水手應修公館舖舍錢糧等項俱聽守巡二道委官估報修理一設社學照得修文來遠莫先教化今蠻荒所闢既建鎮城本宜立學但桀悍餘風遽難盡革且人民招集未多經制應當有

漸合於新所之中設立社學一處大書教民榜文
掄選近縣年高有德明於講說者二名送赴學中
爲教讀塾師令新集之民朔望赴學聽講其後生
子弟送學訓教詩書漸變夷風安邊同知親行提
調應給教讀燈油米柴於茶稅銀內動支持後人
民奏集另議建學育材而文命覃敷矣 一恤民
困照得高筠興琪慶長六縣人民二三百年來被
都蠻荼毒最苦最深丁壯非被擄掠卽散之四方
老弱非遭殺戮卽轉於溝壑雖有孑遺之民挨縣

居住亦朝不保暮而六縣之官徒擁空名有選出
不赴任卽乞休者此以前時勢孤危不可盡狀今
仰一人神武銳意除殘流離之民漸次復業隨據
守巡下川南道議得復業艱難將軍前支剩米豆
量動四萬石權爲分別賑濟但前米係各倉久貯
賑穀所碾幸而因糧於賊得此餘剩堆放之久未
免浥爛前項極困之民若非破格蠲免何以慰更
生之望拊起瘡痍及照全省順逆水次州縣轉運
兵餉辦理雜需軍機所係急於星火亦屬偏累所

當併恤伏覩隆慶六年六月初十日奉詔書內一
款軍國錢糧隆慶二年三年四年各量免十分之
三等因欽遵外及查六縣賦役不多合無將萬曆
元年以前小民拖欠各項錢糧悉從特免其餘濱
江州縣各將前項應免年分錢糧除已免已完外
其未完之數俯准減豁以寬小民供辦之力以溥
朝廷浩蕩之恩則所謂既出諸水火而又加之衽
席之上民益安集歡欣內地實而外患永消矣
國朝雍正七年戶部議覆四川提督黃廷桂條奏雷

波建昌寧番阿都等處善後事宜節畧

戶部為遵

旨查議事四川清吏司案呈 和碩怡賢親王等謹

奏臣等查得四川提督黃廷桂陳奏雷波建昌等處
善後事宜十四條除黃螂土司國保情願輸誠獻
土已奉

諭旨加恩給以守備職銜並賞銀五千兩外其雷波改
設流官應令該提督黃廷桂會同督撫妥議具題
餘十三條臣等分別詳議具奏據四川提督黃廷

桂

奏一稱雷波隔江與米貼井底相望又直逼涼山西有烏角東有牛吃水東南有豆沙溪南有虎跳西南有那比二渡通千萬貫一帶路徑繁多皆屬要隘請建城造橋設官修署置塘房添營汛等語臣等按地圖雷波黃螂路通涼山關隘應如所請添設官弁建築城垣併造官署兵房營房動支正項其所增二營遊守等員該提揀選題補增設兵丁該提召募壯健充當金沙江搭橋之處該提詳勘

具奏一稱馬邊石角之中地名西寧隘係卸甲坡黃草坪一帶夷人出沒隘口通黃螂連雷波最關緊要除馬邊九汛舊隸營兵外酌請增設等語臣等查馬邊一營北接寧越南連黃螂九汛之中西寧尤爲夷人出入隘口應如所請於馬邊營增設馬步兵一百六十名并原額共四百名西寧隘增設兵八十七名并原額共一百名將原駐石角把總移汛西寧其作何召募支給糧餉之處該提會同巡撫憲德定議具奏一稱雷波黃螂內附

伊始尙可不設州縣請設衛守備一員駐劄雷波所千總一員駐劄黃螂官署門役等項照建昌衛所例該衛備弓兵五十名所千總弓兵三十名操練捕緝等語臣等查雷波黃螂地方新附戶口無庸建設州縣應如所請設立衛所守備千總以司刑名錢糧之事仍聽永寧道藩臬二司稽查考核其官署門役弓兵悉令照例蓋造召募一稱雷波黃螂水陸地利甚廣苗民成熟田畝歷來不知分別坵段限界多致侵佔仇殺今既內附該衛備等應履畝清勘定界守業飭令量納租石數年後再酌肥磽始定按畝起科之制等語臣等查雷波黃螂新附該衛備等勸諭開導將各名下田畝清理界址無令紛擾俟奉公守法之久該督撫逐戶詳查量定科則具奉一稱雷波黃螂土地甚多開墾宜急今四方流寓輻輳應效建屬之鹽井衛柏香坪乾縣等處開墾事例仰懇

聖恩照雲貴題定開墾事例則應募有人荒土漸闢邊鄙繁盛等語臣等查邊郡荒蕪之地招徠開墾固

屬善策但雷波黃螂新經設流與建昌之鹽井等處不同不可一槩招集流寓之人聽其佔地開墾該提督斟酌分別其久歸版圖墾戶計口授地新附者暫令夷人自行開墾俟安居樂業之後仍有曠土閒田再准流寓之人分墾庶絕爭端又查雷波等處向化苗民據巡撫憲德題請每十戶賞牛一隻并給稻種雜糧以資耕種應將願墾夷苗悉照此例賞給其招徠流寓之人亦應照川陝總督所請川省開墾借給牛種銀兩之例毋庸照雲貴

開墾事例更開捐納一稱番民風俗冬以土司土目族類爲婚請預籌鈐制之法必先確查姻黨註入在官冊籍嗣後有定親迎娶者須向地方文武官報明如違勒令離異治罪等語臣等查撫綏夷衆惟因俗制宜使之得所若不先教以禮而遽爲拂情矯俗之舉則事旣難行而法亦未善番民族類結婚習俗已久今一旦禁止勢所不能且從前姻黨令其報官註冊將來聯婚者於定親迎娶時俱令報明地方官未免煩擾至稱瞞官迎娶勒

令離異更爲未便應將該提督所請毋庸議 一
稱雷波黃螂新設營伍有駐防兵目復因開墾招
徠漢民與夷裸雜處貿易或漢民騙詐抑買致成
拉當巨案請設立場期令該管營弁稽查務令公
平交易如敢私立陋規勒索科派以及誘買爲奴
等弊應照建昌之例從重科罪等語臣等查開設
場期委弁兵稽查係該管文武官自應辦理之事
其私立陋規勒索抑買以及誘買苗裸俱有定例
應令該提督悉遵成例行 一稱苗民夷戶歷來

不分姓氏或數十人同一名或一人三五其名遇
事脫卸漏網請定鱗冊審其姓氏禁其遷徙着落
該管頭目查究再苗民出入禁帶利刃併私藏鳥
鎗等物照建昌例科罪等語臣等查一人數名不
免脫卸之弊應令將姓名審定至魚鱗冊籍等事
報造實繁今夷方新附似在可緩其攜帶利刃私
藏鳥鎗等物應照定例嚴行禁止 一稱雷波所
屬土司地方甚廣既經改土附近夷類應歸營汛
管轄然千萬貫以下地方山林陰密奸良雜混查

土婦沙氏諸蠻悅服著有勤勞委令安插約束其所生幼子楊明忠交馬邊營經管教訓俟長成應否代伊母管理地方之處另行奏請遵行等語臣等查千萬貫谷堆魚紅天喜哈都魯等處應如所請將沙氏安插約束委千總職銜其幼子楊明忠令馬邊營守備教之讀書知禮俟長成後該營詳請提臣會督撫具奏請

旨定奪

一稱雷波黃螂兵食皆由敘府而水陸運送俱艱自應改設折色請將當年徵納耕輸科則按

名支放外其餘不敷米石照松潘南坪例每斗折色二錢四釐分撥官兵自行備辦俟招墾充裕日再爲核減等語臣等查雷波黃螂旣設營汛則兵食務先籌畫該提督請將耕輸科則支餉兵糧其不敷米石照松潘南坪例折買應如所請計營汛兵丁名口分春秋二季於川藩庫內支發俟商通米賤時據實核減每斗所支銀兩該撫統入該年兵馬奏鈔冊內報部查核 一稱寧番爲冕山咽喉門戶番苗出沒無常請添設官弁再西溪一帶

直通阿都利呢爲各番出入隘口請於建昌鎮右營抽兵并守備移駐等語臣等查寧番爲冕山西南要地應如所請於冕山營內撥千把各一員馬步兵一百五十名移駐寧番其西溪一帶道接阿都利呢亦應如所請於建昌營抽兵一百三十名併令守備移駐至靖遠新設營汛令該提督將冕山所轄東南一帶夷人分定地界歸於靖遠營遊擊管轄一稱漢夷互相交易應分別漢奸科條嚴禁漢人土司代筆主文以致啓釁拉當窩藏劫奪諸弊仰懇

皇仁姑先示諭再查夷奸有入凉山勾通情罪照漢奸究治等語臣等查該提督奏陳漢奸情罪詳悉開列通行示諭令其改惡從善倘教而不改則嚴拿按律治罪夷奸有犯者與漢奸同科毋得少縱一稱建南諸番惟阿都强悍現在土目聚姑原係沙罵土司安偉威嫡姪因阿都乏嗣土婦祿氏招贅聚姑管理地方既非阿都親生正派復性懦不能約束夷人不服阿都尙有親女舍喇羈管建昌

四川通志 卷之十八
昨於進剿阿都之際調至軍前効力著有勤勞苗
徠亦願屬合喇管轄請

旨量委職銜居住建昌協同土目聚姑夫婦管理等語
臣等查聚姑既柔懦不能約束應如所奏以舍喇
協同聚姑夫婦管理阿都事務至量委職銜之處
俟舍喇辦理三年之後果能約束夷衆遵法守分
該堪督具奏加以副土司職銜兵部給與號紙可
也以上十三條臣等據愚見議覆伏祈

皇上訓示爲此謹奏請

旨雍正七年六月十二日奉

旨依議

招撫雷波各苗民疏

四川巡撫都察院右僉都御史憲德

題爲招撫苗民事據四川布政使司布政使趙弘恩
詳准永寧道移稱案奉本都院牌開雍正六年十
一月初六日准提督黃廷桂咨照得雷波阿燕等
處賊蠻勾結跳梁誠爲

國法難容本提督奉

四川通志 卷之十八
命進勦仰仗

天恩其首惡賊黨悉已擒剿苗疆亦已底定進勦之時
各處苗疆有扶老攜幼匍匐行營誠心歸順者俱
經安插尚有老幼夷裸畏威逃匿山林者既屬無
辜自當仰體

皇仁予以招撫使之仍歸住牧各得其所又必善爲化
誨令其認納稞糧每歲徵收可以繩其野性今本
提督駐劄竹核相距雷波阿照等處路途遙遠不
能辦理惟冀貴道會同遵義協副將張王敘馬營

遊擊鄂世威逐處招撫查明戶口分晰納糧數目
造具清冊分送再有逸賊二名達姐覺木雖非正
犯係卑租供出之夷前派兵搜擒據捉獲苗蠻供
稱逃往結覺今結覺已平查無達姐等踪跡未知
生死今乘招撫之便詢其就撫諸苗查明去向卽
與駐防協將商酌搜捕庶不致漏網等因除照會
永寧道並行遵義協副將外相應備移等因到本
都院准此合就檄行爲此仰道官吏查照牌內咨
移事理卽便星速會同遵義協副將張玉敘馬營

遊擊鄂世威將雷波阿照等處逐一招撫查明戶口分晰納糧數目令其認納稞糧造具清冊以憑題報等因行查去後今據該司道詳報前來該臣看得雷波阿蘇等處賊黨勾結跳梁助逆不法奉旨命提臣黃廷桂統領漢土官兵進剿仰仗

天威遠震首惡兇黨悉已就擒剿撫兼行苗疆底定但查各土司多年殘虐苗民久不聊生幸遇

王師得離湯火今咸來歸附向化輸誠又當仰體

皇仁予以安全俾仍歸住牧各得其所臣准提臣黃廷

桂移咨隨行永寧道叅議劉嵩齡前往雷波等處會同敘馬營遊擊鄂世威等逐一爲化誨加意招撫隨據該道詳以招撫苗民必用賞需行據署布政司事建昌道叅議劉應鼎議覆動撥軍需銀三百兩令該道承領自備賞項帶往招撫地方酌量分賞去後嗣據該道劉嵩齡報稱會同遵義協副將張玉敘馬營遊擊鄂世威等逐一開誠化導宣示招徠旋右雷波壩等處苗民價的六合等並那古壩等處苗民結壁嚙日等共七百七十七戶計大

小男婦二千七百一十四名先後投誠就撫查驗各苗民俱係傾心向化仍令各歸舊巢應請分別賞恤將那古壩等處苗民以地土現係成熟止賞各頭人銀牌花紅以示鼓勵雷波壩等處苗民俱在乏食俯仰艱難請於現存軍需米內按口給與斗米以示賑恤又查各苗地方在在荒蕪時正春耕牛種無措應請酌給牛種俾得及時播墾衣食有賴可否撥銀三百兩同前次所領賞需銀兩通融買給等情臣復行布政司查議據覆似應如該道所請分別賞恤其應酌給牛種亦如所請於軍需項內動銀二百兩解交該道會同協營等酌量置買散給以廣

皇仁等情又經臣批令該司動銀移交該道照議速行並查所賞恤銀米數目及應需牛種為數若干議報

題請去後茲據布政使趙弘恩詳稱准永寧道叅議劉嵩齡移報那古壩卸甲坡二處苗民共二百零九戶男婦大小八百七十九戶止賞各頭人以銀

牌錦綾烟布等項共用過賞需銀三十五兩二錢六分雷波壩等處苗民共五百六十八戶男婦大小二千八百三十五名遵照於支存軍需米內動支按口給以斗米共給過米二百八十三石五斗至各苗民應需牛種議以十戶賞牛一隻共約需牛五十七隻並合衆苗民共約需稻種雜糧各五十石俱各分途採買逐處賞給以資耕種統俟事竣一併核實報銷餘存銀兩歸還軍需原項合亟聲明移令該道將各苗民戶口花名及有無願納

稞糧並此外再有續招苗民作速查造清冊移送至日另詳咨部等情詳請具

題前來臣覆查無異除飭令永寧道照造各冊至日另咨送部外所有招撫苗民動支軍需銀米分別賞恤並約計酌給牛種數目理合先行

題報臣謹具

題伏祈

皇上勅部查照施行

川東道屬

重夔

重夔二府去會城頗遠所屬達東太平大寧大昌

等州縣

達州今改直隸轄東太平新等三縣達州營今改屬川北鎮轄

山深地曠

流移逋逃易於嘯聚為盜明正德閒羣盜藍廷瑞

鄢本恕廖麻子等相繼倡亂為蜀中大害又所屬

黔江武隆彭水忠涪建始奉節巫山雲陽等州縣

界與湖廣施州衛所轄散毛施南唐崖中路等夷

司犬牙交錯加之播酉石碛等司土漢相雜爭鬪

劫害無歲無之弘治元年設兵備副使駐劄達州

統轄重慶黔江並忠州瞿塘並湖廣施州衛等衛

所而達州東鄉太平三州縣又調重夔新寧梁山

墊江長壽鈞梁合州巴縣蓬州渠縣營山岳池鄰

水大竹等衛所州縣軍快共二千名團操防禦嘉

靖十年於黔江千戶所與散毛宣撫等司交界處

設立老鷹等三關五堡就於該所分撥官軍防守

嘉靖二十年巡撫都御史劉大謨巡按御史王珩

會同湖廣撫按具題改調九永守備官一員於施

州衛駐劄約束散毛施南中路等土司苗蠻兼制

西陽石砭二宣撫司石耶邑梅二長官司黔江守
禦千戶所並聽川湖守巡官節制嘉靖末大足縣
民蔡伯貫以幻術愚眾攻破合州定遠等州黠黃
中盜據雲萬山中旋即剷除萬曆初夔州府知府
郭棻建議夔屬山溪阻深鳴吠之徒慣於嘯聚請
設通判一員自是事專責成數年之間盜賊衰止
無復揭竿之民明季夔門不守獻賊入蜀沿江州
縣大受屠戮且土寇蜂起互相殘殺所存人民牛
種既無耕耘盡廢千里無烟斗米值數十金而酉

陽石砭諸土司亦疲於奔命固圉弗遑矣

皇清布照神武處置得宜土夷稽顙就我戎索惟夔屬

寧昌閒舊爲十三家賊李來亨等憑據

皇仁浩蕩屢行招撫頑梗不悛康熙元年四川總督李

國英銳意廓清

題請致討

朝廷可其奏

命湖廣陝西四川提督合師進剿國英授鎮將方畧遂復

夔郡二年癸卯正月元日進兵羊耳山賊袁宗第

焚營挈老幼遁匿深箐中諸將謂宜速追國英曰賊之羸誘我也因屯於大昌下按軍不動度宗第疲且窘乃遣將出奇冒險突擊搗茶園坪宗第竄逃巴東賀玆子始率其黨來歸命昌寧悉平二月師次巫山適郝搖旗棄房竹至巴東與諸逆合攻七連坪楚師失利賊勢猖獗且謀犯蜀國英曰巫地勢低凹難以馳驟賊衆遠來利速戰我堅壁以待彼不能久持乘其懈可擊而殲也於是躬先士卒繕完城垣國英與提鎮分汛登陴仍調水師鎮

總兵譚詣防江爲內外翼至八月二十四日賊合數萬衆直薄城下攻圍甚銳我軍靜以待之乘其銳盡鼓勵鎮將於九月初七日黎明四出衝賊營斬首數千賊衆敗遁郝搖旗竄入大寧國英檄五寨鄉勇扼險據守復諭降賊約還其妻子之被俘者公誡所布入人心腹由是羅茂同向風倡順郝袁之衆接踵歸誠而劉二虎營中隱微機密無不洞悉於我軍矣十二月西安將軍傅副都統杜大兵至先搗陳家坡再舉老木孔賊黨望風奔竄體

純自縊我兵乘勝長驅雪夜擒郝袁等渠魁於黃
草坪獨李來亨仍負隅茅麓山康熙三年正月靖
西將軍都統穆谷會總督李國英等恭同

禁旅進偪賊壘國英環視逆寨延袤六百里壁立如
削乃分汛據險以困之閏六月初九夜賊犯通梁
死戰冀脫我師奮勇截戰來亨計無所出纒首自
焚而死馬黨塔王光興窮迫投楚我師凱旋蜀楚
以寧夫以蠢茲頑梗勞我

王師二年而後克之經費不貲飛運維艱非以其地僻

山險三省錯壤狐兔易為踰伏攻難而守易歟然
前此兵燹頻仍營制廢弛今則重夔水陸俱安大

鎮城守而黔彭巫山梁萬昌寧達州太平

八年改屬各營俱設重兵彈壓雍正八年四川提

督黃廷桂復

題請全川沿江設立哨船自是河道寧謐往來商旅
均恃以無虞矣

附前明巡道張儉麥子山議

為清察賊巢修備關堡以預後患事近該本道巡

歷夔州府詢訪民情土俗俱稱麥子山地方重岩
複嶺陡澗深箐非惟山勢惡險兼且地連湖陝素
爲盜賊淵藪如先年郝藍嘯聚於此釀成大患蜀
中被其荼毒卽今雖云寧靖但舊穴猶存難免日
後之患已委夔州府衛經歷文尙綱陳瀚朝前去
踏勘地勢詢采居民方畧或焚其林箐或塞其險
阻或究其出沒要路應否設堡把守務使賊巢掃
蕩永保無虞以爲經久之計去後今據各官稱遵
依親詣本山訪看得山勢延袤數百餘里東抵湖

廣當陽房竹及本省寧昌等縣北鄰陝西平利及
本省東太等縣西南二面與本省奉節雲陽開萬
等縣連界內有紅線岩篩羅壩采子岩雙古墳四
處原有古砦舊基可容百萬餘人壁立萬仞四面
俱是懸岩止有一線之路可通上有平田古井足
供衣食山腰天生石門一座若被賊把守再無別
路可登正所謂一夫當關萬夫莫敵者也山內雖
有新舊居民千有餘戶但地廣居散力分勢寡難
以守禦况北連萬頃柴山常有各省流民一二萬

在彼砍柴以供大寧鹽井之用一遇饑荒卽投入山據險流劫尤爲可慮本山居民願乞於石門雙古墳節羅壩等處通賊要路設立關堡鄰近居民情願編爲夫甲輪流把守緩急有備使各賊不得入山據險民得安生等因轉呈到道看得麥子山之利害繫全蜀之休戚歷年以來因無先事之備往往致賊據險流劫釀成大患今據所呈欲於石門雙古墳節羅壩通賊要路設堡編夫把守則本山居民各以保家爲念不待督責而嚴似爲有見合無依其所擬委官前去佑勘設立併將本山新舊居民量地遠近編立火夫分屬各堡仍選立千夫長一名百夫長五名本道給與粉牌管束令其輪流把守杜賊入路其立堡所費除本山原有石木不計外應給工食量於附近縣庫查支無礙官銀給發不許侵尅冒破每月朔望日附近縣分仍取各堡千百夫長不致縱賊入砦賣放正盜妄拿平人結狀申繳本道查考各完日將動支過銀兩數目編僉過夫甲姓名各造冊繳報庶幾永爲禦

備之規潛消意外之變矣

川北道屬

通巴

通江介秦蜀之境萑爾孤城設在萬山間崇林絕
嶠一睇數百里夙號巨寇出沒之藪明成弘閒鄢
藍猖獗陷破城邑都御史林彭先後提師數年始
平嘉靖閒何賊倡亂據險勤兵三省凡四載始議
招安萬曆閒秦中黠賊嘯聚山林竿旗挺刃剽殺
生民守備鄧起龍督兵剿之民稍獲安明季姚黃

賊盤踞巴通閒而長林豐草之中悉爲負固藏奸
之所我

皇清定鼎蜀路蕩平而川北先被聲教設有專鎮彈壓
巴通營復有守備千把馬步戰守兵以防禦之斯
深山窮谷盡有居民無復有潛藏竊發者矣

四川通志卷之十八

邊防

建昌道屬

建昌

建昌本西南夷地唐末改曰建昌府明置建昌軍
民指揮使司尋置行都司領衛六曰建昌曰建昌
前衛曰寧番曰越嶲曰鹽井曰會川守禦千戶所
六曰禮州曰打冲河曰德昌曰冕山曰打冲河中
左所曰逃易長官司五曰昌州曰威龍曰普濟曰

馬喇日邛部俱屬行都司沿邊各路設關堡六十

二處各於本衛撥軍防守成化二年設建昌兵備

道副使十六年設分守太監嘉靖四年設守備官

一員以都指揮體統行事守備寧越地方駐劄鎮

西守禦千戶所七年又設守備官一員亦以都指

揮體統行事守備黎雅地方駐劄雅州守禦千戶

所十年撤回分守太監十五年二月建昌地震數

次死傷甚多軍民驚惶無措寧番越嶲鎮西邛雅

等衛所州縣同日俱震愚民借爲古瀘州沈海之

言轉相煽惑幾至爲變巡撫都御史潘鑑巡按御

史陸琳禁止訛言補葺城郭預支軍糧優恤被災

人戶拖欠舊糧暫令停徵脫監囚犯悉聽首官酌

處爲事軍職亦令聽委立功贖罪被傷極重之家

免稅糧一年後乃無事隆慶六年逆酋安文等因

與土官瞿氏爭襲統率蠻賊首惡阿貴佐擢拍白

牛蘆阿阿支撒他等迫城擾害至萬曆元年四月

十九日文等率各番蠻筈住木拖邨凹郎河等處

擄劫人財建昌道兵備副使楊芷會同監理通判

王爵牌行各衛官齊集兵民人等嚴守城池先令
旗軍周英等前去安文等賊營宣諭利害陽爲撫
安以便整旅將原募兵勇八百餘名分劄城關要
害調取土舍安鎮土官家丁逆止孺姑咱計始撤
刺各率部兵馳赴土官院南門橋要賊賊恃黨衆
於本月十一日突至城下芷親督兵驅戰授以方
畧官兵奮勇截殺擒斬數百人奪獲甲馬器械若
干建昌六衛軍民始得安枕萬曆三年巡撫都御
史曾省吾巡按御史郭莊題將建昌前衛併入建
昌一衛明末兵革之後荒蕪極目所有衛所屯軍
準以當時舊額尙可得十之二三但番徠出沒不
常行旅居民頻遭劫擾我

朝恩威遠及剿撫兼施南番東徠以及邛部蠻酋莫
不震懾順治十六年四川總督李國英巡撫高民
瞻蕩平黎雅之後冕會寧越相嶺瀘河烏道一線
梗阻全消暑兵備道張元凱親詣各汛查驗衝險
詳請兩院

題定經制易行都司以總鎮府鎮標遊擊三員守備

三員千把總十八員馬步戰重兵彈壓冕山會川
仍有專防後兵備道奉裁至康熙八年仍設建昌
道有監理廳以司糧糶更有建昌會川鹽井寧番
越嶲等衛守備五員守禦各所千總十五員雖改
軍爲民亦足以壯控制之勢但番性貪險惟事剽
掠可威制而不可德化防禦稍疎卽乘機劫奪順
治十八年總鎮王明德調征川東後涼山各寨番
裸嘯聚大衆盤踞冕山相嶺劫殺桐槽站屯堡商
旅不行塘撥不通署兵備道張元凱奉巡撫佟鳳

彩方畧相機捕剿斬獲頗多逆番始平康熙九年
四川巡撫張德地前後十餘疏大概襲土官以重
羈縻請印記以專事權酌減稅務請恤災傷議邊
官之去畱勸邊地之開墾其所以布置內地安戢
外番可謂周悉而切當矣康熙二十七年會川營
所轄東夷阿所因守備常珍失於駕馭致成邊釁
爲賊所傷隨經遊擊吳永祚討平之建南土夷迷
易黎溪紅卜苴普隆膩乃維沙普雄那交濫田壩
覺魯黑保嘴裴貝大孤山呷他等素恃險遠叛服

不常康熙四十九年四川提督岳昇龍統兵招撫先是寧番城西土夷獫狁後搶掠人民遊擊周玉麟領兵勦討至坎到底地方爲賊蠻羅都伏弩所傷亡於陣至是提督岳昇龍一併撫定俱各納土歸誠康熙五十五年越巂衛所屬阿羊夷人加巴貫子結連腊珀嚕都肆行不法四川巡撫率漢土官兵討之於十一月初八日抵越巂城外駐劄諮訪地利知阿羊賊巢地名紅岩相距越巂衛六十里阻隔溪河山箐陡險其所勾連紅岩以北則有小

臘梅松光林載白沽恰里嗎阿波羅姑巴沽西糾白石岩等夷砦紅岩以南則有腊珀青崗林普雄落處必歷老紅羅烏結白等夷砦俱係連山夾箐延袤二百餘里各砦有數十戶者有百餘戶者皆裸糲種類約畧二三千人素相交通聯絡又越巂城南有炒米關兩河口皆通普雄小路阿羊出沒之所而賊夷後路又可抵峩邊營之太平墩一帶山箐俱分布官兵堵截要隘巡撫率守備蕭應鴻李萃等劄營紅岩居中策應復遣冕山土百戶募

庚糯猓咱等齎傳令箭前往賊寨宣布

朝廷威德冀其悔過革心乃逆夷自負山險執迷延玩於是飛檄各路同日進剿連破其巴沽普雄東山木枯等岩殺傷賊蠻數百直搗阿羊巢穴絕其黨羽隨將五里箐南至青岡林普雄落雪羅烏等處交瀛乃安撫土司經管五里箐北至腊珀嚕都紅岩小臘梅交護理印部宣撫土司經管自西糾至巴沽白石岩等處交煖歹密土千戶經管令其約束蠻人各安住牧雍正四年建昌糯咀所管夷猓

金格等滋事不法騷擾邊境川陝總督岳鍾琪奏請調總兵趙儒副將張成隆等於本年八月二十六日領兵進古魯橋直抵羅乾縣五馬山等處努力前進奮勇殺賊擒獲賊首金格阿租官壽斬首大小凉山遠近番蠻悉已歸誠又因大赤口爲凉山之咽喉建昌之門戶隨委峩邊營守備司九功帶本營兵丁於大赤口近通太平墩一路清查戶口踏勘形勢經過賦乃等處橋梁道路又招撫二百餘戶均令剃頭畱辮認納糧差雍正五年寧番

三渡水黑麻溪腊汝窩等寨番蠻恣行盜劫擄掠人民川陝總督岳鍾琪奏請各路漢土官兵進剿正分佈閒黑麻溪瓦都瓦尾哈哈等村蠻赴營乞降許之惟三渡水迤西生番心懷反側總兵趙儒副將王剛統兵進剿從頭渡造船齊進分兩翼擊之破其中渡水黑岩對山之兒斯等七寨雍正六年六月三渡既平遂乘兵威進剿腊汝窩先是兇蠻住牧建昌會鹽營西共十二邨素行不法於康熙五十八年殺傷鹽井衛守備李起龍屢經官兵

勦撫至是復叛川陝總督岳鍾琪委令岷岷協副將王剛領漢土官兵分三路進討連破賊寨追至左所之水寨地方擒獲首惡了馬車其餘河東各寨助惡番蠻俱經勦撫陸續投誠隨同建昌道馬維翰調集各處番徠並招回之麼麼以及哈哈窩卜等寨男婦五百餘人於青山嘴地方宣布

天朝威德羣蠻皆洗心改過認納糧差永作良民是年十月四川提督黃廷桂進討結覺適建昌逆番阿驢阿都等狂悖不法殺傷滇省官兵隨撥兵救援

復親臨策應分路進剿斬其首惡助兵之別哺加
樂阿必擒解滇省所有勦平結覺地方交沙罵土
司管束餘衆招撫化誨各蠻俱畏威感德出寨投
誠情願認納糧馬各安住牧先是川陝總督岳鍾
琪既定諸蠻據建昌鎮趙儒建昌道馬維翰會詳
題請凉山普雄安設營汛議將阿都宣撫司慕枝等
二十一員土千戶暫交河東宣慰司兼理建昌鎮
標中營遊擊分汛管轄審扎土千戶顧車喇嘛等
三員附近凉山歸建昌鎮右營遊擊分汛管轄水

黑岩土百戶韓雅皮等九員番部俱在漢民界外
或隔二渡河或附近凉山歸冕山營遊擊分汛管
轄擢站田土百戶大咱等五員並寧番安撫司地
方俱漢番雜處歸寧番衛守備管轄與漢民一體
編甲輸納賦乃安撫司維沙等八員番部深居凉
山普雄歸越嶠營遊擊管轄土官土百戶六沛等
七員番部俱近凉山歸寧越營守備分汛管轄大
赤口土千戶啞志等三員番部俱係凉山後路歸
峩邊營遊擊分汛管轄外有曲母土百戶咩咱愿

繳印信號紙改土歸流其一切經商官道俱做松
 潘之例每十里築土堡一座週圍約一里五分以
 資護衛每五里築土墩一座週圍仍築土堡約濶
 七分以便兵民同住共相守望且議善後事宜八
 條 一近地土司宜酌改流以一治理 一守土
 司改宜改設以彰表率 一苗猓攜帶兇器宜定
 處分 一地方疆界宜清 一拿賊之法宜定
 一蠻俗稱呼宜更易 一蠻人拉當永宜杜絕
 一漢蠻貿易宜定場期以杜流棍鑽夷之弊俱候

睿裁奉

旨依議自是萬仞蠻山盡歸

王化改建昌衛為寧遠府領三縣一州一衛設營防汛
 詳載兵制而其籌畫經營之處合觀前明建昌兵
 備道鄧貴善後條議今昔時勢又可覽而悉矣
 附前明建昌兵備道鄧貴善後條議

一直陳建南地勢以便防禦竊謂歷建南者然後
 可以談建南亦必備知今日建南之情形者然後
 可以治建南殆未可以耳談也以蜀邊而論如松

潘與番隔河爲界又苦寒不宜屯種故城堡之外並無漢人邨落是以營屯一固事體歸一亦便防守也至遵義先年播州之役已改設郡縣盡爲編戶至於善後又加派兵餉一十三萬經十年而始減故力完而守易也乃建南然乎哉彼建夷負固一隅蠻烟瘴癘自大渡河起至金沙江止一千五百六十里皆高山峻嶺而五衛八所各據要領又皆與西番東徠百十餘寨爲鄰漢人所藉以往來者止有一線鳥道迴繞屈曲殆三千餘里以三千餘里之鳥道經百十寨夷之隘口雖有營堡稀若晨星豈能保無疎虞此其無月無日無時無刻而皆嘗爲防五衛八所每歲額辦屯糧五萬餘石邨屯星散旣不能如松潘之歸一兼以前歲大舉比之遵義兵不滿四萬限不過五月元兇雖已授首逋酋豈能盡殲伏莽假息尙繁有徒職以不才謬承善後之責目擊藩庫如洗籌兵措餉千難萬難所幸五年以來仰遵憲令寨會靡不聽撫拮据業有次第卽如邇者土官安崇業爲醉忿自刎中外

駭傳咸謂各寨無統先年安世隆之變必且復見於今日迺以在在有備在在戒嚴各夷即欲乘釁為奸而終不可得且近奉本院批勘繼立土婦之事原據監理並副總閩司各衙門會同四把事名集各火頭保勘在案又該職遵行覆勘院檄一傳四十八寨馬火頭喇咱脚故阿咱普馬沙罵什卜革革沈渣已卜罵魁期江西脚我氣拍落烏脚我幸駕五列厄拍卜得阿友故拍者脚跨坡咱脚說脚散阿水說果已架脚烏咱暮等各率部落叩首

轅門願保瞿氏聽受約束又據監理總閩復令建昌衛指揮王國揚等押發於教場仍命闖皮歃血各立木刻以後如有奸夷潛出願聽軍令協擒獻功此衆耳衆目共聞共見者職竊謂五年如此而後日之建南可知也故夫千里鳥道防守最艱此天之所以限建南其地勢然也餉額一定兵食兩足無事可以屯耕有事足以防禦國威既振邊氛自消是職等遵奉憲令所恃以守建南也 一乞查邊額以壯藩籬建南係全蜀藩籬查蜀志唐天

寶以來南詔歲爲邊患大曆十四年十月南詔令吐蕃帥兵十萬三路入寇而一路自黎雅邛崃關陷諸郡邑太和三年復陷邛崃逼成都劫玉帛子女以去咸通十一年冬蠻賊圍成都矢石如雨蜀地大震十四年又入寇造浮橋濟大渡河至新津而還明年始修復邛崃關大渡河諸城柵內地稍戢至宋藝祖以玉斧畫大渡河而邊患遂與宋祚相終始則建南今日卽議善後亦爲全蜀豈爲建南乎昔太祖統一海內旋定西蜀改建南爲五衛

添設續裁前衛共六衛原指揮八十五員千戶鎮撫七百六十八員此官額也衛所城操並撥守屯堡共官兵五萬八千餘名此軍額也本邊軍餉惟是建會二衛取足於本地屯糧至寧鹽越三衛並冕山鎮西二打冲四千戶所官軍三萬一千五百零八名俱六個月取給於內州縣民糧據先署監理同知赫奕譚天相冊報每歲額請內地協濟糧米一十三萬四千九百九十五石零五升銀一千八百五十兩以越嶲論每米一石折銀八錢以鹽

井論每米一石折銀九錢即今三衛四所每歲六個月尚仰給於藩庫可考也此餉額也以國家勘定之餘威先年本邊全勝之物力故五衛八所之長皆足以敵蠻勢而制其死命豈非坐收勝算哉二百年來邊備日弛蠻害日慘官軍日耗屯堡日虛迄今查五衛八所指揮千百戶鎮撫止一百四十三員矣衛所各軍逋亡殆盡今止存五千二百四十九名矣當事者不為設法勾補以為本邊籌桑土之計且舉本邊協濟額糧陸續盡移於松潘

等邊以博節省之名彼百十寨夷更何所憚而安得不貽頻年之劫殺乎顧久移之餉無望再復而當全蜀連歲兵火之擾閭閻之困已極又豈堪派累茲幸善後以來仰遵憲令又仗藩臬同心百計措處一畱原題建南合營操標兵歲額餉銀二萬三千二百一十二兩一督令五衛官軍開墾積年荒屯歲抵餉銀一萬二千四百二十五兩零督令營堡目兵開墾一帶荒地收租歲抵餉銀三千八百三十二兩零清理歷年各衛民糧餘剩腳價等

項歲抵餉銀二千六百六兩零以上共留兵四千六百八十名歲該餉銀四萬一千九百七十七兩零並舊防兵四千二百零四名歲額餉銀三萬八千三百一十五兩零歲共八萬零二百九十二兩有奇合之五衛八所見在城操官軍五千二百四十九名總共軍兵一萬四千一百三十三名比之當日額軍五萬八千餘名尚不及十分之三查自大渡河起至金沙江止計修舊營五十六處增新營七十七處共一百三十三營堡皆經本道冒瘴

涉險相度形勢緩急定爲額兵以扼各寨之吭今幸五年於茲二千餘里在在有備在在皆有額餉似可爲善後之一助然非藉憲示難以垂久也

一沿邊險隘宜修以保金湯夫王公設險以守其國內地且然矧以歷年劫殺之建邊乎本邊建會鹽寧越五衛並禮州冕山鎮西等城皆頗堅固此後時時修葺儘足防守又建昌爲五衛腹心歲苦凉山諸寨爲患今從父老之請已奉兩院批允爲築一大石城設有額兵且耕且守皆云此建昌百

世之金湯也惟德昌與建鹽打冲此三城者創自國初皆四面鄰邊倒塌日久急宜修築至於鹽之河西建之瀘沽鐵廠松林越巒之南關桐站此皆軍民輳集之地四面鄰夷之衝卽今隘口皆有營堡目前可無他慮而數年之後亦當漸爲各築一石城或爲量築一土城庶城堡一築番徠不敢以生心而烟火聯絡守望皆可以相助况查一切工築銀兩本道歷年皆有積剩不煩派之民間者第甫定之邊瘡痍未滿未敢遽興大工以聽後道另

詳此亦建南久安長策也 一通夷法禁宜嚴以

杜邊釁夫本邊所恃以安民禦蠻而長保救謐者獨恃有國法耳顧通夷之禁不啻三令五申柰本邊軍民狃於粗安有乘夷市而恐嚇以討人命錢者有私授於蠻而從中播弄者有潛販違禁者有賴騙蠻債激蠻之怒至綁擄人口以代償者有蠻債不還而反誣報爲搶掠者有收畱蠻口爲奴婢者有衙棍指稱激成蠻患者故夷市不嚴則貿易卽爲劫殺矣播弄不繩以重法則奸宄悉爲牙爪

矣私販違禁不設法擒捕則控制不得擅長技矣
蠻債不爲切禁則揭借卽爲綁擄之媒蠻奴蠻婢
不禁則閩閩卽爲諱盜之門矣指稱不爲窮治則
七十二屯之焚劫且復起於衙棍矣國法具在邊
例尤嚴非獨苛於邊也要令人不敢犯故長保救
謐也茲節奉明文舉行鄉約編立保甲若不嚴連
坐之法誰復肯爲官家任怨者故十家爲一甲十
甲爲一保不論尊卑長幼並所歇客商盡書名於
一牌所營之事所歇之客所往之處保正一月一

報冊於官有犯不首者十家連坐而犯應遣戍者
必延綏極邊等衛南人北去與大碛等耳軍卽僉
十家之中最殷實者爲解子其餘幫貼盤費以一
軍而累十家則十家懼矣十家又以富戶爲首解
則富者自愛且有所懼矣此亦牽制奸民之一策
也一土官乘機宜議以救邊民夫邊職之漢夷
並設也實番蠻雜處非兼土司不能聯屬也查先
年寧番土酋怕兀他從月魯帖木兒爲叛太祖特
命總兵徐凱征討遂廢土改衛止將環居西番編

爲四圖聽我羈縻會川鹽井雖設土職火頭然皆各有分土不甚桀驁越嵩邛部土官嶺柏應自嶺鳳起釁構難移之柏香坪今可無慮獨建昌安土官雖有總轄之名號原無一定之寨分先年舊居衛城萬曆丙戌每夜出城劫邨左右兩所官軍不堪荼毒至有率衆攻城以討賊者丁亥周憲副光鎬請於兩院奏調土漢官兵勦伐始定雖將土官移居於城外之東街第去衛城不數步蠻丁出入終不能禁此所謂腹背之一大疽也查安氏世職

以來安革安仁安夷安忠四世相承衛蠻猶多懼服嘉靖末忠妻鳳氏權攝夫職是以患成尾大鳳氏死疏屬安登冒嗣蠻心不服是以有廝養卒逆止之變安登死其妻瞿氏紹良更無能節制是以安文頻歲爲叛至有臨城劫村之慘瞿氏紹良死安世隆嗣而其妻沙愛以踰城淫奔爲安世隆所逐又爲羣奴力怕等復煽諸蠻擁沙愛爲主且與世隆相讎殺是以貽本邊之禍今安崇業又以遠枝承繼且性狡猾邇者奉旨鵬勦屢漏洩賣放及

聞善後畱兵益鞅鞅不樂每日垂頭喪氣如有所失此會不死建南之禍未息也茲幸天斬其嗣據建昌通學生員呈乞停土官之繼仍復先年責成四把事約束之例以絕禍本以救邊民但土嗣雖絕尙有土婦先年夫亡妻繼之規倘瞿氏不鑒覆轍則異日發嗣已絕卽不議繼可也矧四把事原同土官管束部落者彼皆係籍蠻種熟知其情今其弟男子姪又多入泮屬我編氓儻四把事果堪約束亦可以代土官之責更爲駕馭之便卽不必

議繼可也儻謂國制不可驟更亦聽彼時臨期斟酌以俟後之君子可也近據瞿氏承繼屢奉本院厘念再三駁勘爲邊民籌久安之策此亦異日酌議土官之一大機會也 一將領宜加激勵以便駕馭夫本邊環遶二千餘里倚將領爲長城而將領終歲責成視勸懲爲勤怠道鎮以下各有責任所以獎翼其忠義而痛治其玩愒者惟恃有激揚大典耳顧邊警非每歲糾叅則疎虞者無懲邊功非每歲品敘則勤勞者無勸矧善後立法之始一

次失事卽難逃於歲終之叅而一次停俸又將冀於來歲之復孰敢視爲傳舍而不爭相濯磨也至本邊千總亦係邇者大征所選調於各邊或名色守備或加銜指揮等官此皆才畧翹杰赴赴干城之望而鵬勦以來畱守本邊又皆各寨信服可戰可守之士頃蒙撫院憲牌內開營堡提調等官如一季已終地方寧謐無有他失者官兵議詳獎賞仍揭薦優擢等因通行在案又據行都司掌印張大道呈稱浙江之沈有容以布衣竟躋參將惟防

海獲薦得致顯位又周二陽陳邦憲一哨官耳乃於四十四年內斬賊三級遂兩院題薦人思自奮瀚海晏然今建南營哨掣甲千總提調肅肅免置靡不乘時思奮大之拔寨陷陣首奏掃蕩之捷次之冒瘴涉險亦標擒斬之功獨無課殿之例遂不入題敘之條雖竭歷報効九死一生總之不過一千總止耳一提調止耳似應比照閩廣浙直防海之例有功無過者每遇歲終得與題敘不則嚴加處分等因條議在卷看得建昌邊防吃緊全在各

處總路隘口劄營扼險所責成於千總提調者最爲得力惟有歲終一題乃可以激發其志乞本院垂念甫定孤邊會同撫按院俯允行都司所謂得比聞廣浙直防海歲終之例彼聞進身有路孰不効死力而壯邊聲是亦善後駕馭之一策也一邊儲吃緊宜籌以實軍需夫國無九年之蓄日不足無六年之蓄日急無三年之蓄日國非其國矧在不毛窮邊乎今連歲豐登而一解糧少遲卽不免枵腹倘歲值大祲本邊旣無所入而內地徵解

又未必如期將聽營堡逃散乎若禁營堡逃散將使枵腹守隘乎西番東徠百十餘寨彼且乘時蜂起將何以待之乎大征之舉可以再擾乎故邊儲不可不籌也查得本邊瘡痍之苦各營堡逃亡事故無月無之而逃故者又勢不能不爲急補乃免於疎虞卽以此曠役之剩糧或扣其本色貯之建越兩倉或扣其折色聽監撫兩廳歲終會計報道轉詳兩院每歲以此存積量糴十分之一另項上倉登報循環以聽查盤以備凶荒而扣本色者皆

追納淨穀或納糙米可以久貯而無蟲蛀之患但不許止納春淨之米易生蟲蛀且爲異日倉攢斗級得藉爲侵耗之名又蕩平以來五衛軍民亦有援例納吏聽其赴布政司告納給帖止令上穀於本邊寒苦地方如越嶺鎮西二倉不滿三五歲亦可積穀無算以聽查盤以備凶荒而何憂於水旱乎再查鑄錢之令所裨於軍需不少先年原任行都司臧京奮然力主其議祇爲有司之初入仕途者未諳事務妄議停阻今查重慶等府皆已興工

况建南與滇接境俱係產銅之地每次哨期皆爲客商販之外省在在鼓鑄官民兩便而本邊獨不獲鑄錢之利豈不深爲可惜竊謂今日善後計此法終不可罷也 一邊地器械宜精以裨實用夫

營堡而無兵甲與無營堡同兵甲而不堅利不練習與無兵甲同昔在鼉錯蓋詳哉其言之矣而况於建邊乎夫鳥銃佛朗機百子銃綿甲長鎗鐵鑱利弩鉛彈滾牌本邊之長技也矢石毒弩番猓之長技也我官兵之長技七番猓之長技三勝負旣

已分矣惟是善後以來籌兵措餉尙未暇圖今之
鳥銃佛胡機百子銃五年之久半已朽蛀綿甲長
鎗鐵鑿利弩鉛彈滾牌前次大征歲久漸耗每兵
僅月口糧七錢二分餉口弗給豈能自備查得會
川操練之兵皆經陳副總設法置造器械鮮明甲
於各路而四將領亦以限於力而尙未置造合無
卽將本邊營堡逃故今後所積者每歲詳院量爲
之備亦首務也

黎雅

黎雅夷卽天全六番諸部散居黎雅之間者宋時
屢爲邊患孝宗乾道四年風流等番部欲入抄掠
知縣張文禮閉絕蛇浴等山路不許番部來往番
從蛇浴嶺後斫生路至邨攘劫宣撫司委知永康
軍李繁等領軍討之番部來降十一月砂平番首
高志良至礪門互市與居民鬪不勝乃詣寨官喻
炳陳訴炳決責之志良銜恨去明年正月來攻礪
門制置司遣李俊禦之志良懼欲償還所燒寨舍
以錢贖罪守臣不允官兵遂入砂平焚其屋廬番

人初皆潛伏後忽鳴角聚衆以出官兵失利而還
乾道九年青羌吐蕃諸羌蠻等以黎州負其馬價
侵掠安靜寨推官黎商老等禦之敗死安撫司委
鈐轄李彥堅領軍往討青羌等始詣州伏罪買馬
如故宣撫司以擅與交和劾奏守臣王昉降兩官
十一月復犯安靜至大小壩搶擄軍民一千餘人
黎州守邵逢年及通判呂宜之招印部漢土官兵
併力攻擊乃遁去淳熙三年五月奴兒結等同元
擄漢人詣州州犒之提刑司以擅與交和劾罷守

臣秦嵩諸羌蠻等以互市久不得通咸怨望白水
寨將王文才與之婚姻復誘之搶掠知黎州陸束
之臬文才於市前明於黎州設安撫司天全六番
設招討司蓋就便輯治之意萬曆四年越巂衛所
屬印部長官司土官嶺伯死妾沙氏與孽子嶺應
昇爭印時應昇住越巂城內亞夷阿堆阿阻等擁
沙氏至越巂城外索印經過利濟站阿堆等燒毀
軍民廬舍後沙氏悔罪斬阿堆等自贖巡撫羅瑤
巡按何汝成會同兵備僉事石檟等議題請照土

官夫死妻繼事例令沙氏署管印信夷人悅服明末流寇據蜀黎雅土夷亦行侵擾我

朝底定諸夷向化不爲邊患康熙十九年吳逆平後其黨胡國柱等踞關山相嶺勇畧將軍趙良棟同將軍紀哈禮率總兵鄒九疇等三路進剿賊大潰遂復關山相嶺黎州諸地而建昌一帶亦遠近聞風相率投誠雍正六年天全六番土司貪殘不法經巡撫都御史憲德

題請改土歸流易直隸雅州爲府各營所土司改設

流官化林添設都司防汛加嚴蠻夷漸被

聲教衣冠文物儼如內地無復有强悍如昔時者矣

打箭爐

打箭爐故旄牛徼外地也雅州西去大渡河五日程羌蠻混雜連山接野鳥路沿空漢永平中白狼槃木唐菽等百餘國舉踵奉貢越山坂負襁而至皆此種類蜀漢時諸葛武侯征孟獲遣郭達於此造箭因名打箭爐至今土人猶廟祀郭將軍方輿勝覽云大渡河於黎州爲南邊要害之地唐韋臯

拒吐蕃李德裕拒南詔皆扼此水爲險要故議者謂大渡之不守則黎雅邛嘉成都皆擾宋建隆三年王全斌平蜀以圖來朝議欲因兵威復越巂藝祖以玉斧畫此河曰外此吾不有也於是爲黎雅之極邊曩時河道平廣可通漕舟自玉斧畫河之後河之中流忽陷五六十丈河流至此澎湃如瀑從空而落春撞號怒船筏不通名爲噎口殆天設險以限羌蠻也元明時番人俱於此地互易茶馬自明末流寇之變商民避兵過河攜茶貿易而烏斯藏亦適有喇嘛到爐彼此交易漢番雜處於是始有坐爐之營官管束往來貿易諸番疊經更替歷有年所我

朝定鼎德威所被直通西域康熙十九年恢復關山相嶺則打箭爐一區亦川省所轄二十五年曾經四川巡撫于養志查勘邊疆

題請仍許諸番照舊居處貿易二十九年番蠻阻兵渡河四川提督唐希順

題請勦討會同將軍莽吉祿調集漢土官兵相機進

取叅將李麟登先破蠻首渡大兵會於河西提督唐希順分兵三路進剿連破其地班師抵爐是役也提督唐希順率遊擊沙虎魏國珍等直攻咱威殺蠻四百餘衆進哪叱頂攻大岡磨西面共斬八百餘蠻從磨西面間道而上奪營一十四座獲千餘級而叅將馬爾植亦攻取大岡遊擊張自成從宰牛壩截入俱奮勇勦戮賊蠻既平喇嘛番民等歡呼跪道歸附者一萬二十餘戶皆與宣諭皇上德威賞給銀牌令各安住牧建鐵索橋於河上

御製碑文取名瀘定明正司於此辨差康熙五十四年西藏準噶兒肆行不法戕害喇藏

上命定西將軍噶爾弼總兵趙坤副將岳鍾琪等率滿漢官兵由打箭爐進討之降大小磔巴遂克招地雍正七年以新設雅州同知駐劄打箭爐管轄口外各土司如巴裡二塘以及乂了革達直通西藏一路廣袤數千里俱安設塘汛要隘處設重兵鎮守自古迄今幅員之廣文德武功之大未有如我朝之盛者但控馭維艱籌邊將吏能加意勿懈則荒

裔永靖矣

題請打箭爐設防疏畧

四川巡撫都察院右副都御史貝和諾

題為籲請官兵駐防打箭爐事康熙四十年九月初

九日准兵部咨職方清吏司案呈奉本部送議政

大臣會覆四川巡撫貝和諾題前事內開該臣等

會議得先經侍郎滿丕等啓奏打箭爐安設兵三

千名副將一員遊擊五員守備五員千總十員把

總二十員令其分防會議准行其題奉

旨官兵駐防打箭爐如運送糧餉不致有悞方可令其久

駐將運送糧餉有無不致遲悞之處並未詳議應移咨

巡撫會同提督等盡情詳議具奏等因欽遵行文該撫

在案今據四川巡撫貝和諾疏稱打箭爐地方將

糧餉永遠僱夫背運雖多給脚價但路險途遙難

免遲累伏祈

勅部議覆再准督臣席爾達咨稱今逆番已經伏誅打箭

爐已經平定

天威遠震如地巴悔悟前愆稽顙輸誠哀請照舊貿易我

聖主如天之仁何所不包依然雨露同滋則本部原題化林營官兵移駐打箭爐及建昌鎮標撥守備一員兵丁二百名汛守化林營之請殊足彈壓止可於川省廳員中酌移一員於爐撫綏番土兼收貿易貨稅協同鎮守該營糧料自可折價何須輓運何慮打箭爐新定番土叵測川提標現有官兵四千名可比照陝西督標戍守廣元例每年於五營輪派遊擊一員帶領該營官兵八百名駐防化林營糧料可就近採買不致累民輓運等因又准提臣唐希順咨稱打箭爐地方新復需兵汛守然必糧食無悞方可久駐

皇上已明見萬里之外查打箭爐木鴉等處雖不產米穀有青稞麥豆等雜糧可以採買嵐州嘉慶擦道等處有大米雜糧足供兵食既議折給則無運送之煩惟是官兵未到打箭爐時青稞麥子每一京斗價銀一錢五六分一錢八九分二錢不等自官兵入爐以後青稞麥子每一京斗價銀二錢八九分或三錢不等今安設官兵止三千人向後價值諒

應照舊其米折價銀將打箭爐向時之貴賤斟酌折衷比照松潘沿邊米價每斗一錢六分四釐之例折給各兵自行採買以得其平等因臣查督臣提臣咨內係設兵事宜合併敘明具題統候

聖裁等因前來查先經會議着該撫會同提督等打箭爐久駐官兵搬運錢糧米石有無遲悞之處詳議具奏等因具題行文在案今總督巡撫提督等雖各陳已見具奏該撫並未將米料可否折給銀兩定議具奏再該督止將化林營移駐打箭爐及建昌

鎮標守備一員兵丁二百名汛守化林營殊足彈壓等語應將此案不便遽議仍行該撫會同可否止移化林營兵五百餘名及長久安設三千名兵并可否折給之處畫一詳確定議速行具題可也
康熙四十年八月十七日題九月初一日奉

旨依議欽此欽遵抄部送司案呈到部擬合就行爲此合咨前去欽遵查照施行等因到臣該臣看得官兵駐防打箭爐一案准部咨令臣會同畫一詳確定議速行具題臣查打箭爐係新復之區必駐有官

四川通志 卷之十八
兵方可彈壓若官兵三千久駐需用月米槩議折
給錢糧不無糜費且青稞雜糧偶遇歉收兵丁艱
於購買亦未可定今議將化林營兵五百七十五
名照督臣席爾達等原會

題之疏移駐打箭爐糧米如提臣唐希順所議照松
潘之例折給兵丁自行採買但夷性叵測防範宜
周相應照督臣席爾達前議撥建昌鎮標守備一
員兵二百名汛守化林又將侍郎臣滿丕與提臣
唐希順駐防官兵原疏在本省兵內抽調之一千

兵今分爲兩營以五百分防嵐州烏泥苦泥嘉慶
擦道一帶地方以五百駐劄沈村分守三渡兩營
設遊擊二員守備二員千總四員把總八員其兵
丁月米照化林營例折給再將提標兵八百名駐
劄泥頭撫標兵三百名駐劄蠻庄照廣元之例輪
班戍守月米仍照原營估計如此河東共有二千
三百名分防聲援爐內既不慮兵單而錢糧亦不
致多費更可免別省抽調之繁其添設官員俟部
覆

俞允之日照沿邊之例揀選

題補衙署營房照東川之例修造自爐至各營汛作何安塘聯絡之處俟駐妥之日令各將弁確議詳報至日將各渡口設船隻水手情由一併另行題咨再將成都府同知移駐打箭爐給與印信令其撫綏抽稅如該同知撫綏蠻夷三年無過令督撫保

題應作何陞用聽候部議等因咨商督提臣去後茲准督臣席爾達提臣唐希順俱與臣會商相同咨覆前來臣謹會同吏部尚書兼禮部尚書署理川陝總督事務臣席爾達四川提督臣唐希順合詞具

題伏乞

皇上睿鑒勅部議覆施行

題勦撫冕山金格疏

川陝總督臣岳鍾琪

題爲仰仗

天威苗方底定等事竊照建昌冕山營所屬賊番金格

四川通志 卷之十八
阿租等稔惡肆奸煽衆狂悖經臣據報具

奏仰蒙

聖謨廣運

指授方畧遣建昌鎮臣趙儒化林協副將張成隆等會
同前往相機勦撫臣遵卽派撥漢兵二千五百名
木坪瓦寺金川等處土兵共一千七百名照例備
給口糧軍裝檄令鎮臣趙儒等統領前進於雍正
四年六月內官兵進抵冕山先事招撫以仰體
聖主好生之仁詎知逆番抗拒不出遂於八月二十六

日分兵進勦至九月二十八日官兵直抵結白普
雄奮勇搜勦俘馘甚衆所獲牛羊馬匹卽分賞官
兵隨又進兵至乾縣波羅下沈渣等處劄營正欲
遣兵分勦而彼處數十餘旗番苗相率投營乞降
鎮臣趙儒等准其請開誠化誨令其將逆首金格
等拿獻方見傾心向化之誠隨據衆番苗暨投誠
之千戶糯咀等爭爲嚮導情願協拿因而我兵繼
進於十一月二十七日十二月初三日將逆首金
格阿租先後擒獻并將關壽一犯誘擒一併解省

四川通志 卷之十八
臣卽據情奏報奉

旨任事官員兵丁俱應加恩議敘賞賚欽此臣復遵

旨檄行鎮臣趙儒等將餘黨再加詳悉料理安插去後

隨將普雄凉山竹核等處番苗悉行招撫認賦貢

馬又有從前被擄漢民九十一名口查明帶回各

地安插嗣因麼些黑麻谿喇汝窩三渡水等處各

番族心存反覆恃險梗化又恐窩藏金格等之餘

孽臣因密遣洮岷協副將王剛馳赴軍營作速令

商料理時值河水泛漲因編筏造船分領官兵渡

河衝險鼓勇四進惟黑麻谿一處卽來歸誠查係

實心向化遂不加兵其餘番族仍然抗拒我兵歷

險搜殺勦撫並施餘番莫不畏威輸服剃頭畱辮

造冊歸誠並將所有鹽井一併開報認賦輸糧令

其各安住牧又查出被擄附近漢民兵一十七名

經鎮臣趙儒等各令回家團聚一面將拿獲之逆

番除已經正法外其滅脂等二十餘名並逃奴長

壽呷等十一戶共六十名口分別解審發訊以及

查明縱逆不法之宣慰安撫土司瞿氏安承裔等

并宣慰安撫司土千百戶慕枝恩咀菊虐等共現
追出印信五十六顆號紙四十八張聲明苗方底
定彙案呈報前來臣思冕山番苗狂悖不法仰賴
我

皇上睿謨指授

威德遠敷官兵効命勦撫悉平從此僻壤遐荒咸附版
圖以成一勞永逸久安長治之至計臣查是役也
勦殺逆番甚多墮岷落河者不計其數其帶傷漢
兵五名土兵二十三名陣亡漢兵一名土兵六名

并官兵効力人員姓名功次另行造冊送部凡就
撫番族戶口田土賦役數目安營設汛以及已追
印信號紙之士司并另疏叅究之瞿氏安承裔等
地方即為改土歸流等項俱於善後事宜內臣會
同撫提諸臣詳議另疏

題請伏乞

睿鑒施行

題報建昌設防疏

四川巡撫都察院右僉都御史憲德

題爲飛報事據四川布政使司布政使管承澤詳奉本都院牌開雍正六年五月二十四日准提督黃廷桂咨開建昌乃巖疆要地防範需兵查鎮標前派兵二百名會勦陸氏又派兵二百名護運軍糧後又派兵八百名進勦喇汝窩今因結覺賊蠻截路阻糧擅傷兵丁復派兵三百名前往策應實屬汛守單弱宜速遣兵貼防但標鎮協營官兵派遣進藏及會勦烏蒙俱經派遣各營汛均有防守地方之責不便再爲行調今建昌需兵彈壓甚殷其新增營汛應設馬一步九兵一千九百五十名查提標招募兵一千有餘行令署中軍叅將印務遊擊張聖學出具印領自本年六月初一日起支請領庫銀按名散給銀兩製備行裝並按名發給鳥鎗刷刀委員統領速赴建昌鎮收伍分佈防守目前既可資其彈壓將來分撥新增各營汛兵早備而營伍頓興矣臣等謹合詞具

題伏祈

皇上睿鑒施行

四川通志 卷之十八
題平定喇汝窩疏畧

川陝總督岳鍾琪謹

題爲恭報勦平賊番事據協辦建昌凉山事務陝西
洮岷協副將今陞肅州總兵官王剛呈稱前蒙本
部院牌開查喇汝窩逆番屢行狂悖去年整兵勦
撫業已平定今爲日未幾復有餘孽了馬車等竟
敢搶劫煽誘復逞故智今已會商速勦撫平定等
因到臣該臣看得四川建昌屬喇汝窩賊番屢行
不法乃於勦撫甫定之後復有逆番了馬車倡兇

不法將附近漢土地方人畜糾黨肆行搶劫經臣
據報

奏請派撥建昌鎮標屬官九員兵八百名并附近喇
汝窩各土司所屬土兵一千餘名檄令協辦凉山
善後事宜之洮岷協副將王剛統領前往相機擒
勦又因喇汝窩等處與雲南永北鎮汛界相連誠
恐逆番勢窮潛匿隨移提臣黃廷桂飛咨永北鎮
派撥官兵堵禦隘口其川省官兵所需口糧移咨
撫臣憲德酌量備支并於藩庫公用銀兩內動支

銀一千五百兩解交副將王剛賞給所派土兵去
後茲據王剛報稱於雍正六年六月初六日自建
起程分兵三路前進而逆番了馬車等聞風遁藏
遂令漢土官兵於沿途山箐窮搜極捕直至雲南
浪渠地方除永北鎮漢土官兵堵禦搜緝殺死賊
番一名擒獲賊番男婦六十八名解赴永北鎮外
據建昌鎮標遊擊張臣節守備趙良弼等先後具
報殺死拒敵賊番五十五名擒獲賊番了馬車之
叔沙喇布等并大小男婦共一百六十二名口追

急投誠之阿夸喇喇兩邨男婦共三十二名口其
所獲騾馬牛羊八百一十有零已分賞漢土官兵
訖至賊首了馬車於七月十六日我兵追至左所
之水寨地方已經拏獲并其叔伯弟兄沙喇租卡
喇七靈者等三名內除卡喇一名已經病故隨將
賊首了馬車等解赴到營卽撥兵防護解交鹽井
衛守備王永祥收明解省審擬其餘拏獲各邨賊
番俱係與官兵拒敵逆犯應行就近正法其阿夸
喇喇二邨亦以追急投誠實非傾心歸附亦按罪

輕重分別發落老幼婦女分賞在事漢土官兵所獲逆番弓箭盔甲刀矛等物交會鹽營收貯再移家中所之起力迫耳阿卜兒等三邨番戶於未進兵之先搬出投誠查係實心向化應遷內地安插其帶傷漢土兵丁六名調養已痊今因勦撫雷波土司一案奉令前赴竹核遙爲聲援行知滇員如有賊番藏匿滇省者嚴飭汛防逐細查拿在川省者責令中左土司及土千戶等務獲解報并酌畱守備一員帶漢土兵丁共七百五十名於附近鹽

井適中之地駐劄彈壓其餘漢土官兵行令撤回所有勦平喇汝窩逆番緣山相應呈報等情前來臣查喇汝窩番蠻屢次反覆皆由其地處深山重林疊箐恃其險遠爲營汛之所不及得以負嵎狂逞及至遣兵進勦則竄伏山箐兵退則復萌故智且喇汝窩番族僅止六七邨今起力等三邨已經投誠遷徙內地其餘逆番俱經勦洗平靖所遺番地自四川鹽井衛之外以至雲南之蒗渠地方相去二百餘里其中曠無居人必須遞設汛防庶不

四川通志 卷之六
至再貽奸藪卽川販路徑亦可杜其往來應統於
欽奉

上諭事會勘疆界案內臣與雲南督臣鄂爾泰委員確
勘分別酌設另疏

題請今先酌留漢土官兵以資彈壓并責令中左土
司協同搜捕毋遺餘孽外所有帶傷漢兵二名土
兵四名并官兵効力姓名另行造冊送部移家投
誠之起力迫耳阿卜兒等三村男婦應令新設鹽
源縣分撥地方安插查造戶口與漢民一體編入

保甲其臨陣擒獲之男婦大小番衆應如王剛所
議分別發落至賊首了馬車併伊叔伯兄弟沙喇
租七靈者等應交撫臣憲德訊明請

旨正法以儆悖逆除建昌標屬官兵支過口糧仍於本
兵米折銀內按數扣還并賞給土兵公用銀兩應
俟撫臣憲德核報外所有勦平喇汝窩逆番緣由
理合

題報再查王剛已陞肅州鎮總兵因提臣黃廷桂進
勦雷波等處令赴竹核聲援應俟事竣之日前赴

肅州新任合併聲明 臣謹會同川撫臣憲德提臣黃廷桂合詞具

題伏祈

皇上睿鑒勅部施行雍正六年十月初二日奉

旨冕山賊番向來稔惡肆奸敢行不法久爲平民之害而地方大吏俱畏難因循不肯辦理岳鍾琪遵旨勦撫調度有方苗疆永遠寧謐甚屬可嘉岳鍾琪交部議敘併將在事官兵加恩議敘賞賚已有旨了其兵丁等如有曾經借支銀兩一槩加恩賞給不必扣還岳鍾琪奏請派兵暫駐以資彈壓之處著照所請行土兵口糧亦照所請賞給該部知道欽此

題平阿驢疏

川陝總督臣岳鍾琪謹

題爲分勦逆蠻仰仗

天威擒獲賊首恭疏報捷事准四川提督臣黃廷桂咨稱竊照本提督於雍正六年十月初二日攻打結覺之際突聞阿驢不法傷害滇省官兵隨派漢土官兵交肅州鎮統領前往策應已將會合滇黔官

兵緣由繕摺

奏明於十一月初十日奉提督同建昌鎮率兵由紐姑中路前進以便四面督催於本年正月內勦撫已畢所有撤兵緣由相應咨請

題報等因移咨到臣准此該臣看得阿驢賊蠻狂悖不法傷害滇省官兵緣於雍正六年有四川雷波等逆暗助米貼朋比作奸提臣黃廷桂奉

旨進勦檄行雲南尋霑營叅將哈元生領兵過江前至阿驢所屬阿路嗎地方駐劄防範繼因雷波事定

川兵已抵魚紅於阿路嗎一帶就近可以防守隨令滇兵撤回哈元生於雍正六年九月二十一日撤兵起營令阿驢土日落資隨營護送詎料落資妻父拖科惡日覺過以伊婿帶往行營不知下落卽同伊弟虐慮伊子吾租糾合阿都逆賊別哺加樂并阿必等圍營追劫傷害官兵提臣黃廷桂聞知此事撥兵救援旋卽親統官兵前赴策應業將會勦緣由奏

聞在案茲准提臣黃廷桂咨稱仰仗

皇上天威次第勦撫已將逆賊別哺加樂阿必父子擒解赴滇并將拖科首惡覺過同弟虐慮子吾租於雍正七年正月初五日追至雲南赤衣臺跌羅山等臨陣斬殺割取首級一併解交滇省首惡既除其餘無辜苗民俱經招撫蠻方平定已於本年正月初十日撤兵回署等因咨報前來臣查阿驢悖逆皆由拖科覺過起釁滋事實爲此案罪魁而阿都逆賊別哺加樂等同惡相濟均爲法所難容提臣黃廷桂派遣官兵分途進剿斬其元兇擒其黨惡而各處番民無不招撫安插一切新撫地方需兵彈壓查雍正五年十一月內臣於建昌善後事宜條

奏請

旨已將建昌沿邊要隘添設營汛足資防範無庸再議惟西溪一帶東連利呢南接永定路通阿都爲番蠻出入之所甚關緊要原駐防兵七十名不足分佈令議再撥建昌左營兵丁一百三十名共足二百名之數令建昌左營守備駐防西溪暫資彈壓

拖科賊首既已剿除番部無人統屬地隔建昌三百餘里應請就近交沙馬土司安韋威管轄查明戶口按年完納馬匹造冊報部其餘拖覺土目過歌隨營効力並無助逆情弊所屬地方仍令管理阿都土司聚姑協擒黨惡亦無助惡情由其逆賊加樂阿必等查其醜類名爲黑骨頭自來强悍不服土司約束此番橫行不法似不便波及土司今加樂等業已就擒所遺番衆亦應暫令土司聚姑管轄統於善後事宜內斟酌

奏請剿撫事定一應出師官兵除畱駐防雷波黃螂八百一十員名已經臣於雷波報捷案内

題明外其餘漢土官兵以及前於仰仗

天威案內畱駐提標兵四百名木坪土兵四百名相應

一併撤回已准提臣黃廷桂同建昌鎮臣趙儒肅

州鎮臣王剛俱於本年正月初十日撤兵起營除

滇省進剿阿驢緣由聽雲南督臣鄂爾泰彙疏

題明外所有川省會兵剿撫阿都拖科及事竣撤兵日期理合恭疏

四川通志 卷之十八
題報臣謹會同川撫臣憲德提臣黃廷桂合詞具

題伏祈

皇上睿鑒勅部施行

題蕩平西藏疏

川陝總督臣岳鍾琪謹

題爲番藏悉鋤兇惡萬邦共仰

天威永奠要荒普天同慶事雍正六年十一月十一日

准

欽差查郎阿等清字咨爲知會事內開本部堂等欽

奉

上諭現今西藏波羅鼐帶兵來報康濟鼐之仇阿爾布
巴帶兵彼此成隙戰鬪相持爲此將派大臣前去安
頓料理之處曾經繕寫諭旨頒給達賴喇嘛其伊等
彼此成隙之事着派左都御史查郎阿着副都統邁
祿陪去選派西安滿洲兵四百名跟隨命往大臣前
去其帶領四川綠旗兵丁着派散秩大臣品級之鑾
儀使周瑛帶領陝西綠旗兵丁着派西寧總兵官周
開捷帶領雲南綠旗兵丁交鄂爾泰酌量選派總兵

四川通志 卷之二十一
官一員副將一員此內或總兵或副將着畱一員在
又木多駐劄着一員領兵進藏其雲南四川兵丁着
周瑛管轄俟三處兵丁會合時亦着周瑛承領行走
到藏之時着查郎阿總管欽此欽遵於本年八月初
一日到韶將阿爾布巴隆布爾扎爾爾及事內一
千人犯俱行鎖拿派兵看禁會同在韶駐劄之副
都統馬拉內閣學士僧格審問得阿爾布巴等設
法鎮壓欲求中國將伊慈愛贈獎無故將康濟爾
并伊二妻兄弟嫡親殺害家產抄搶又假傳

聖旨調遣各處兵馬征勦波羅爾欽取喇嘛馬匹拆毀
寺廟殺害人民查阿爾布巴隆布爾扎爾爾等所
行種種逆款俱各自認不諱如此跳梁橫行若不
處以法令以示番人嗣後則此等違法之事不能
永禁應將伊等正法之處理應具題請

旨欽遵施行但伊等取死之罪甚重各款俱已顯露伊
等懼罪或致自經殞命俱不可知是以於九月三
十日一面具

題一面將阿爾布巴等案內人犯俱行正法訖相應

四川通志 卷之十八
移會等因到臣當經繕摺

奏報并傳示在省大小文武各官及兵民人等莫不歡呼慶幸仍移行川陝文武衙門知照並曉諭軍民外伏念西藏地方昔年慘遭諄噶兒焚掠甚至屠滅黃教

聖祖仁皇帝遣發大兵蕩平安輯又蒙

皇上睿謨廣運欲令其長治久安是以特揀貝子康濟勲管理西藏事乃逆賊阿爾布巴潛謀不道將康濟勲肆行殺害希圖背叛毒虐番衆其爲罪惡在

所必誅者也我

皇上特遣大臣提兵察究一切軍機緩急俱蒙

睿算周詳更於番部情形無不洞若燭照故令波羅鼐得仗

王師之震赫以擒悖逆之元兇統由我

皇上預定

聖謨先機決策使萬里之外捷於響之應聲從此永奠番夷再造黃教仍將逆賊阿爾布巴等顯戮市曹寸磔兇頑以著

四川通志 卷之十一
天朝之明憲

恩威所播萬國騰歡臣慶切於中不勝忭舞之至爲
此恭疏慶

賀伏祈

皇上睿鑒施行

按建昌一鎮向爲巴蜀西南荒裔上至大渡河下
至金沙江東接烏蒙西達三渡廣袤數千里錯處
諸夷中雖建昌泰寧各設鎮協彈壓冕山會川寧
越越嶲會鹽柏香靖遠永定黎雅化林阜和德靖

寧安各營沿邊隘口增設汛兵防守然夷類犬羊
成性甚不可以歸誠而忽之也向日文職設通判
一員以經理之雍正七年因土司地方歸流者多
事務繁劇添設知府一員更名建昌衛爲寧遠府
其越嶲衛會理州並新改西昌冕寧鹽源三縣俱
歸知府管轄至於野苗熟番白骨頭黑骨頭等夷
其風土性情往往各別修其教不易其俗齊其政
不易其宜使之樂育並生於函蓋之中尤服官於
茲土者所有事也

四川通志 卷之十六
題七兒堡善後事宜疏

雍正十一年工部議覆四川總督黃廷桂條奏苗疆善後事宜 工部爲遵

旨議奏事營繕清吏司案呈領侍衛內大臣英誠公臣
豐 等謹奏爲遵

旨議奏事四川總督黃廷桂奏苗疆善後事宜一摺奉
旨辦理軍需大臣議奏欽此臣等逐條酌議恭呈

御覽

一奏稱河西廣袤千有餘里由上渡廟頂至打箭

爐計程不出旬日由接輿過渡卽係木裡交界由
瀘沽數日可抵瓜別會鹽四通入達雄山壘峙前
後臨江最爲險塞非重兵大員不足以壯軍威而
資分佈查有兒斯之七兒堡地居適中平洋寬敞
應請於此設叅將一員左右軍守備二員千總四
員把總八員馬一步九兵一千二百名於週圍次
冲處所分置大汛以聯臂指查七兒堡北有廟頂
一寨係窩卜上渡及山後接輿等處往來要徑形
勢高曠瞭望四旁數十里如在目中應分左軍千

四川通志 卷之十八
總一員兵一百名移駐防範又西北有磴多其地
逼近後山江岸上下小渡甚多與明正司屬之烏
爾岬緊隔一江應移駐左軍把總一員兵五十名
以資巡察又七兒堡東有查凹濱臨中渡與水墨
巖紫古別隔江相望應分左軍把總一員兵三十
名把截江岸以防夷蠻偷渡南有瀘沽乃會鹽瓜
別出入總匯兼通河東麻哈渡口應令右軍千總
一員兵一百名駐劄巡防但瀘沽至七兒堡相距
二百餘里沿途山箐深密應於適中之木羅拉枯

二處令右軍把總二員各帶兵五十名分駐聯絡
其七兒堡之西過意魚卡爲接興老寨地險山深
對江卽係木裡木卡各枝夷部渡口繁多應分右
軍千總一員兵二百名控扼防禦以壯後山聲勢
又西南則糯居五堡形勢衝要上自接興下至拉
枯木羅瀘沽皆可呼吸相通與七兒堡大營前後
對峙應分右軍守備一員帶把總二員兵二百五
十名駐劄於此提調接興拉枯木羅瀘沽各汛並
彈壓江外土部以助大營之不逮至於河東地方

前應河西兒斯控扼三渡後連冕寧建昌叢山綿互勘其地勢瓦尾據腹心之上游而虛郎亦當首尾之衝要必須分設官兵庶可臂指交資應於瓦尾設都司一員千總一員把總二員馬一步九兵四百名自瓦尾而北為黑磱山上接窩卜下據水墨巖中渡瓦尾而南為麥地溝乃枯魯冉興一帶番蠻出沒要隘應於黑磱山麥地溝二汛各分把總一員兵六十名駐防稽察又趕到底逼近下渡應令瓦尾外委一員兵三十名駐劄盤詰至虛郎

四山環繞番徠雜處前接白宿凹後連白路溝均屬險隘請設都司一員千總一員把總二員馬一步九兵四百名內抽撥把總一員兵八十名分防白宿凹再撥把總一員兵五十名分防白路溝再於虛郎左右馬吾呷六翁二處令外委二員各帶兵三十名分防以司巡邏其新增各營俱歸七兒堡叅將兼轄仍隸建昌鎮統轄庶輕重相維措置嚴密而官汛得控扼之宜苗疆收彈壓之效倘蒙恩允請將新設各營仰懇

欽定佳名垂諸永久並請

勅部鑄給叅將都司印記以昭信守以上議設叅將都司守備等官俱請於本省熟諳風土夷情人員內揀選題補千把等弁卽請於現在新兵千把內撥補至添設馬步兵丁二千名無須另募亦卽請於新兵內撥充一千八百名其餘二百名查寧番營遊擊管轄崑山寧番兵丁八百名今河東河西俱經安設碁布星羅壁壘相望該營兵數似屬過多應抽馬一步九兵二百名配隸新營以敷其數所

有新舊營汛分定界址以及各路應設塘撥統俟各營設立之日再爲隨便宜佈置另冊報部等語查三渡河東西新闢苗疆幅幘遼濶其不法逆番甫經懲創自應設立官兵控制彈壓以爲久遠寧謐之計今該督黃廷桂酌量險要處所增設營汛分佈弁兵聯絡防禦之處尚屬周密應如所奏於河西之七兒堡設叅將一員守備二員千總四員把總八員馬一步九兵一千二百名內照數抽撥分駐廟頂磋多等處以資防範再於河東之瓦尾

虛郎二處各設都司一員千總一員把總二員馬一步九兵四百名內照數抽撥分駐黑磱山白宿凹等處以資防範所設瓦尾虛郎二營俱歸七兒堡叅將兼轄統隸建昌鎮總轄其營名由內閣撰擬恭候

欽定至印記交與禮部鑄給新增叅將都司守備等官令黃廷桂於通省弁員內揀選題補千總等官於新兵千把內揀選調補所設馬步兵二千名查雍正九年欽奉

諭旨令黃廷桂募兵一萬名分撥標協營路在案應於此項新募兵內挑選一千八百名充補其餘二百名在於寧番營兵內抽撥仍令黃廷桂俟各營設兵之後即將分定界址及新設塘撥造冊報部一設兵必並籌餉查建昌鎮屬每歲除屯糧支放之外率多不足仍食折色今新設苗疆一切增置營汛四季餉米自應按其時地酌予價值以敷備辦查河東瓦尾虛郎等處雖跬步皆山但相踞曷寧較之河西畧近往返馱運尙屬易通新設都司

四庫全書 卷之十八
二營請照松潘鎮屬龍安營之例每斗折色一錢四分關給採買若夫河西則去內地險遠懸崖側徑所在崎嶇兼阻三渡馱載匪易本處之田土既不出產米谷而營制創設之始商販亦勢不能立即流通兵丁日食惟藉資內地零星採辦合計米價馱值需費實昂似應比照泰寧協屬化林營之例每斗折色一錢六分四釐俟墾闢漸廣各商輻輳米糧充裕之日再爲核減惟是兵丁米折例應按季關支但查甫定之邊營距內地遙遠冬春水

涸道路可行採買日食猶易爲力若值夏秋之際陰雨連綿山徑泥濘不無阻隔一時難於購買各營兵丁未免卽致乏食并請照普安安阜二營之例將河西新營各兵應支次年四季米折於本年秋成之後令該管營將出具印領全數預行領出卽便委員照數採買米石存貯按時給散庶營伍均沾飽騰之

聖澤兵丁益待盡力於操防而新疆日有起色等語查河東河西新設營汛所需餉米該督黃廷桂按照

道路之遠近分別多寡折價採辦亦屬妥協應如所請將河東兵米每斗折銀一錢四分河西兵米每斗折銀一錢六分四釐各照數關給該營委員採買運供仍令黃廷桂俟苗疆開墾成熟米糧充裕之日再行酌減至所稱河西距內地遙遠冬春水涸道路可行若值夏秋陰雨連綿不無阻隔請將兵丁應支次年四季米折於本年秋成後全數領出採辦之處亦應照所請行 一設官分職宜有專司將弁止可約束兵目而招徠撫輯惟於文

員是賴查寧遠府廠務同知一員今各廠既經封閉則該同知卽請移駐七兒堡一切化導夷徠安插漢番聽斷詞訟支放糧餉諸事責令專司如遇命盜大案照例由冕寧縣審轉招解該府但同知駐劄河西其河東瓦尾等處勢難分身兼顧請再添設冕寧縣縣丞一員移駐瓦尾以資辦理倘蒙恩准其同知關防仰懇

勅部換給至同知衙門原設書吏民壯卽可隨往供役無須另設惟同知縣丞衙署及縣丞應需胥役民

壯人等請照例蓋造召募再查河西七兒堡一帶
遠隔三渡今既設立大營似應預籌積貯以備急
需可否恭懇

聖恩於七兒堡大營選擇高燥處所建造倉廩積貯米
二千石卽交該地同知會同營員加謹收貯值青
黃不接之際酌量平糶支借俟秋成後卽行如數
買備還倉倘有虧缺嚴叅治罪似此出陳易新遞
年接濟而新設重地永無艱食之虞等語查夷民
新附未嫻禮法如設立專員撫綏化導自於苗疆

有益今寧遠府廠務同知自封廠後已無經營之
事應照該督黃廷桂所請將該同知移駐七兒堡
專司化導夷徠撫輯漢番聽斷詞訟監放糧餉諸
事如遇命盜大案照例由冕寧縣審解再添設冕
寧縣縣丞一員移駐瓦尾以資佐理其同知關防
交部換給除同知衙門原設有書吏民壯無庸增
添外同知縣丞所需衙署及縣丞應設胥役民壯
令黃廷桂酌量料理仍將蓋造衙署工價並胥役
民壯工食銀兩造冊報部查核至該督請於七兒

堡積貯米二千石查重兵駐劄苗疆米糧充裕則
緩急可恃應照所請於七見堡建造倉廩貯米二
千石交該地同知會同營員加謹收貯每年於青
黃不接之時酌量平糶支借俟秋成後照數買補
還倉倘有虧缺立即叅處勒令賠補仍令黃廷桂
將採買米價並建倉工費銀兩據實題銷 一河
東河西各處高田下地從前已種成熟之處所在
俱有而山林坡岡之間猶未盡闢者亦復不少均
應招徠樹藝未便任其拋荒况大兵進勦原爲誅

鋤首逆而無辜脅從餘苗軍務事定自當仰體

皇仁就近安插各予生全但兵燹之後出撫苗民耕耘
無力似應請照普安之例將招出苗民每戶量給
賞牛具籽粒以資耕牧俟夷衆安居樂業之後仍
有閒田另招墾戶分地開種統俟數年之後再行
查明分別起科以充兵餉等語查苗地尚多曠土
而苗民中如有無力耕種者應照所請將所需牛
具籽粒酌量賞給以資耕作仍將給過數目報部
查核至荒廢田地如苗民不能全行開墾應令招

四川通志 卷之十八
民墾種酌定年分分別起科 一城堡備禦非常
官署兵房外壯觀瞻而內資棲止均不可缺第蠻
荒甫定之區官兵一經設立即應作速建造若俟
估計題覆至日再行動工興築逾時太久不惟風
雨淋漓弁兵難於露處且非捍衛所宜似應仰懇
天恩將新營各路應需土城土堡官署兵房塘房一面
委員確估動項興修一面分晰造冊報部統俟工
竣之日核實請銷庶得及時蓋造而於防守邊荒
重地乃有裨益至於三渡河口係東西營汛過往

必田之要津但查上下二渡冬春之際水落灘平
船皆可渡一至夏秋水漲洶湧衝擊兩岸逼窄實
多危險惟中渡水勢紆徐四時平緩舟楫甚穩應
請於上中下三處渡口各設渡船一隻冬春各歸
本渡夏秋則三渡船隻總於中渡一處以便兵民
利濟所有修造經費僱募水手並嗣後按年小修
大修統交驛鹽道照普安營溪落渡之例辦理其
新定地方沿途一帶石懸崖石磴步履維艱之處
並請量動公用銀兩酌加寬修俾公文商旅兩無

阻滯則

上距蕩平而邊疆永賴等語查東西兩河業經駐劄官
兵則土城土堡以及官署兵房塘房俱所必需該
督黃廷桂既經動項興修應俟工竣之日將用過
工料銀兩核實題銷至三渡河口所設渡船三隻
應需修造工價及水手工食並嗣後修葺等費令
該督照例料理其山路崎嶇有礙行旅之處亦令
該督動用公項酌量修補仍將動過公用銀兩歲
歲彙冊報部 一軍營器械惟鳥鎗一項較弓矢

自能遠而制勝更覺便利於遵

旨議奏事案內部議沿邊沿海省分每兵一千名設立
鳥鎗四百桿等因遵照設立在案惟是川省地方
腹裏邊外無非疊嶂層巒兼轄土司故營汛防範
與行走征進率以鳥鎗爲利器近年以來各案調
遣所派鳥鎗名數較之弓箭居多蓋以折銳衝堅
實惟鳥鎗是賴今計千兵四百桿之數以之防守
汛地固不少若作軍移則派遣在外而營路之鎗
手兵丁卽覺不足似應仰請

四川通志 卷之二十一
聖鑒將此新設七兒堡各營兵丁二千名

六
准照雲貴之例每兵一千名設立鳥鎗六百桿至通
省標鎮協營每兵一千名量增鳥鎗一百桿庶火
器充裕而防守征勦均敷其用等語查鳥鎗爲標
營利器而川省標鎮協營多係貼近苗疆至新設
之七兒堡各營更在苗疆自宜多設鳥鎗以資備
禦應如所奏將新設之七兒堡各營每兵一千名
設立鳥鎗六百桿通省標鎮協營每兵一千名於
前設四百桿之外再增設一百桿於邊陲實有裨

益以三條臣等公同酌議是否允協伏 疾

聖訓爲此請

旨雍正十一年四月二十三日奉

旨依議欽此八月二十三日准兵部咨奉

旨將七兒堡增設二營

欽定佳名爲瀘寧營嘉順營懷遠營設兵分駐并移寧
遠府同知駐劄七兒堡化導番夷添設冕寧縣縣
丞一員移駐瓦月以資辦理

